

猶及錄一

卷二



卷之二

乙未十月初七日定和門行常春時

上

以類備中 諸語有 朕座之命有

命而 上不許有

情猶未也 朕意是日大星諸


時為西降 朕付事而中

然而寒心者猶是 朕後

雖是便候中 諸語沈書備

以事而及當 朕以莫辨

以事而及當 朕以莫辨





猶及錄卷一

乙未十月初七日延和門行常恭時 上候日漸涼加是日
以痰候中 謔語有 殿座之命自內御還寢 殿座之
命而 上不許及臨門 香祇迎後欲 御寶座而左右扶
侍猶未之能焉是日大臣諸臣亦不敢奏事即為 還內有
時急回啓判付事而中官從中作奸混同書下意念朝事凜
然而寒心者猶是歇後語也是日 上教曰予之今日常恭
雖是痰候中謔語既書備忘故無欲試予筋力有強之臨門
之舉而及當祇迎後莫辨咫尺此何事也今則雖使予自強
自力萬無強作之道予於昨夏命世孫看檢明禮宮事宮事

非國事比而欲試世孫之裁決者也此雖小事宮府無異况
近來大小 祀典必令督攝者予意蓋亦深且遠矣以今日
予氣予已決斷于心者有之矣昔 皇兄下教予尚今壯誦
予何不身親為之乎冲子夙成事予至誠決不負予所望矣
及予疾候猶不添加之時代聽機務則豈不好乎予亦可以
親見於予亦豈不光鮮乎 上教倭々不啻累萬言 世孫
聞命悚惕不能仰對而退

此是自內所教而為代聽一初 下教則不可不錄謹依
尊賢閣日記而錄之

謹按日記曰一日自 上又教曰予百而思之汝不可不代

聽而予仰聞于 昔年則丁酉聽政之後 慈聖奏于 昔
年曰大小公事小朝必稟大朝而後下故貽勞聖躬無異於
代理之前矣予至今莊誦今予雖使汝聽政小大公事汝欲
裁稟于予則此與丁酉時無異也今予欲使汝督勞者非欲
但依丁酉故事也然則汝之責望益重矣汝其不懈日夕憧
憧之心也 世孫聞 命祇懼不敢以一辭仰對

十一月二十日時原任大臣入侍時 上曰近來神氣益蓊
一張公事亦難酬應如此而為萬機乎言念國事夜不能寢
者久矣冲子知老論少論乎知南人小北乎知國事乎知朝
事乎知兵判誰可為吏判誰可為乎如此而置宗社於何地

昔我皇兄有世弟可乎左右可乎之教今之時尤不啻

皇兄時矣欲為二字

傳位

下教而恐傷冲子之心至於聽政自

有國朝故事卿等之意何如左議政洪麟漢挺身對曰東宮

不必知老論少論不必知吏判兵判至於朝事尤不必知矣

上歡欵久之曰卿等不知予意將奈國事何今不可更言於

卿等無寧使我孫知予心法也遂下自省編警世回答進講

于東宮之命 上還內執 世孫手曰汝勿動於大臣之言

祖依於孫、依於祖之時有何例套辭讓乎汝則只當遵余

之教遵余之志是汝之孝也 同日夕診筵旨 上又有所

下教麟漢奏對又如朝診

二十七日夜鶴林君入侍時 上教于承旨趙載俊曰近日
事予之廢疾又加一層必是用心之致也左右可乎世第可
乎之教至今莊誦矣若非 皇兄之恩予豈有今日大臣聞
予之教固當感泣受 命奉而行之而前後勤懇之教如風
過耳俗所謂小兒之言越耳而聽大臣之事誠慨然矣載俊
坐處稍遠 上教低微未及仰對 上又曰承宣亦畏大臣
乎 上還內後以此筵說誦傳于 世孫

三十日常希時 上御筵子倚 東宮而坐臚唱未畢還卧
枕上曰朝事國事猶是歇後語卿等觀之予氣可以知於此
一事仍又下教曰自古有例之事今日予斷而行之予之前

後之教若何而卿等聞若不聞如風過耳卿等之視八十人
君何其迫切之甚也予有所思之事故先諭于卿等今日更
可持難乎諸大臣未及仰對麟漢從諸大臣後進前伏曰此
何教也是豈臣子奉承之事乎寧伏鈇鉞之誅決不敢奉行
也諸大臣以次仰奏訖麟漢又曰今日奉此下教出閣外則
其可曰有臣分乎 殿下躬親萬機必無留滯何為而有此
過中之教耶臣宗不忍仰聞矣 上曰卿等之事奇恠矣
上又曰方欲命書傳教卿等勿退可也 上命承宣進前書
傳教曰不繫公事入于 東宮達下而如疏批時急公事予
與世孫相議為之稍待數日觀其手熟當有加於此之下教

矣時獮漢遮坐承宣之前不但使承宣不得書亦使不得聞
上教之如何是以承宣拙管以俟傳教之命書而獮漢又以
不必如是下教之意高拜仰奏 上教承宣曰所書傳教讀
之 聖意以為俄者呼書之傳教已為書之故也獮漢又曰
不敢聞之教為臣子者誰敢讀之乎時 東宮侍坐謂獮漢
曰此事非可忝涉之事而事勢迫隘當上疏辭避雖使書數
字搦教以用余陳疏之路獮漢不答顧見承宣揮手而止之
承旨李命彬遂不得書出傳教 上又曰巡監付標一付之
中官之手安知無圖免之弊乎領議政韓翼暮曰聖明在上
此輩不足憂也 上曰公事酬應之自內督行多有古例子

亦曾為之此則與代理聽政大不同矣獮漢曰既已自內為之為教則非臣等所可知也 上閉戶曰卿等速退仍以承傳色下巡監軍入東宮之教

二十日入侍朴相集以史官主記事而相集日記中 上

教所舉 皇兄下教獮漢三不必知之說皆不錄 王世

孫令入相集日記讀奏訖下詢于諸史官及記事官成鼎

鎮曰臣以下番入侍其日 聖教懇惻醇復而大臣

以三不必知等說仰對臣則聞之矣 令曰其日 聖教

有曰世弟可乎左右可乎 皇兄此教予今莊誦之時予

侍側承聞而惟意不書非矣仍令改修以入相集諉以不

聞推托不改至于十餘次至以所聞只是如此不敢強為
書納為言

三十日常叅入侍時傳曰巡監軍東宮点下即三百年古事
而昔年廟廟眼候時依 宗陵古事中官付標今用此例與
代理聽政太不相近雖席前付標 下教聽瑩故回首望而
誤以付標副望此猶若此中官或以渠意用事則因係與督
故靜而思之欲復旧例而下教此若昔年 皇兄所教其時
問世弟可乎左右可乎尚今嗚咽古例班 則哉者不緊公
事今日達下此若誤聽其事可也故予雖下教此則大異於
此其何張大乎聞此心動氣下十層附子加入之命此也特

寢不緊公事達下之教而此教依例舉行以我孫手点下可
乎以閹豎手付標可乎此霄壤也黑白也一何勅勅 傳曰
今番下教非代理聽政也即三百年古例則一何勅勅乎領
相其宜追忝以入而莫知去處此果相臣乎此萬一料表也
領相韓翼謩丞施不叙之典時原任若不覺悟當詣邸駕
轎待令以承傳色口傳下教曰曾有巡監軍入東宮受点之
例巡監軍入東宮依例受点吏批則中官稟奏于 大殷受
点于 東宮該房知悉

時 上意已決大寶啓字皆命移置東宮 上教日三四下
而曰麟漢游辭力沮事竟不行蓋前月七日還內後下教外

廷之所未知而獫狁則知之及至是日大計已決獫狁猶復一例周遮猶恐或成坐次居諸相之後而爭覆必先出納乃承宣之職而指揮惟意入則漫漶彌縫出則秘諱掩覆至於機務之自內督勞便同代撰而傳教未下國人不知聖上之辭不敢當者誠以授受大事不可以不光明故也獫狁之敢以非臣等所知為奏者語既不敬意亦叵測凶情惡謀彰著不可掩矣

十二月初一日以承傳色口傳下教曰此非落点而代点也

冲子若有陳章之事當有二字

傳之教政院知悉

初三日司直徐命善上跡伏以云々惟我聖上臨御已五十

載勤勞如一日民國之憂殆不恤於宵旰機務之煩或有防
於頤養繼先朝之故事有今日之下教惟此代勞之舉宜出
為國之意而其事誠惻怛之教有足以感神明而孚豚魚為
今日大臣者固宜詳審其言慎重其事使國體增重 睿心
小安而臣伏聞前月二十日入侍時左議政洪璘漢敢以東
宮不必知之說肆然陳達於前席云謂儲君不能則當作何
如人耶亞聖敬君之義雖難責之於此人而其無嚴放恣則
極矣常恭時前領相韓翼謩左右無之憂之說又何為而妄
哉也身居首相之位實言閹豎之事古之大臣亦有是是否伊
時所奏自內為之臣不爭執之說尤萬々驚駭今此聖教

在國家為何許大事而秘之於宮闈之內行之於深嚴之中
萬姓不得知八方不得聞則其曰國有人乎嗚呼 殿下今
日之舉明正磊落卓越千古誠心懇惻之旨藹然於辭教之
間而噫哉忝俱瞻者看作虛文假飾全以彌縫為事使 殿
下之苦心至德黜以不章豈不痛哉諸葛亮之言曰宮中府
中俱為一体小事猶然況此莫重莫大之事乎其言雖出於
無識其事案歸於不忠國事如此大臣又如此而側聽屢日
三司之地無敢言之人臣不勝痛哭太息之至手自封章躬
詣闕下齋心虔誠仰瀆崇禎伏乞 聖明赫然振發誕降明
命亟正大臣之罪使國家大事務歸尊重之地云云以齋戒

留院 傳曰承旨持徐命善上疏入侍與徐命善同入命善
持疏入侍進前伏 上命命善讀疏命善讀之 上遽曰是
矣 如是者累矣讀至 東宮不必知之句 上曰嚮予
聞此奏時予心亦以謂如何矣命善曰為臣子者敢為此言
乎讀未半 上曰直哉又叩闕教曰然矣 上問自內為
之臣不爭執是誰之言也命善對曰憐漢言也讀訖命善曰
今世之人誰肯見忤於巨室者而臣若不言是負 殿下也
仍拜淚俱發 上曰聞其流涕可見其慷慨亘中矣予謂命善
為人柔善今日作此獨立賢哉仍命大臣臺諫入侍領中樞
府事金相福曰伊日遙說臣則未聞徐命善必有所從聞之

處矣。上問命善。對曰：臣聞宮官之言。東宮欲以此
陳跡未及上。微云矣。上命入。王世孫誦讀奏。上曰：果
然有此語矣。大司憲宋瑩中曰：不必知云。與臣曾在玉署
時所奏色目不必留著。聖心之語相似。臣則不知其為非
矣。上問瑩中曰：徐命善疏是耶。非耶。瑩中對曰：以臣所見
深文也。相福對模糊。遂命瑩中及翼謩麟謩并刊去。仕版相福罷
職不叙。是日麟漢聞徐命善疏未呈政院。即為迸出城外。
來納命召。

明義錄漸曰：當是時也。代聽之大策已決。而代聽之成命
未降。諸逆之百計沮敗者。其勢於是乎益急。而其為計又

不止於沮敗代聽而已危亡之機迫在呼吸官僚之榮

洪國

拚死生一明凶達情狀其計雖決而地嫌矣只促禍耳徐
命善乃能奮不顧身以徇國家之急卒之一言仰契不數
日而大策亟定以永輦我四百年丕基若命善真古所謂
危忠也其功又何如也觀乎宋瑩中之強引不當之言為
隣漢分跡至以深文斥命善則賊勢鷁張可知也嚮非

先大王日月之明則命善之為凶徒所魚肉久矣噫國家
其有今日乎

傳曰徐命善予知久矣無一毫傷人之心今者此舉予則曰
決知其漸血衷特召諸原任視若尋常不知本事一原任

掩護中官所奏寒心初既劫拉政院模糊而入豈元良侍坐
掩護閹豎乎非大臣臆判府事李澥特施不叙之典領府事
金相福初以模糊聞都憲宋瑩之言臣心亦然云而苟且與
李澥同、律以勵依違之習領敦寧金陽澤莫知其敦心之
召曷勝慨然特解見任嗚呼今予下教豈一人任便而然
乎斷、苦心欲防禦于此故非特苟且語皆為駭而然嗚呼
一宰臣滿腔有此舉嗚呼予惟知其為善今此樹立予果莫
能知亦非道聽道說聞冲子陳章慷慨亘中而說不負其君
亦不負其兄嗚呼暮年見一直臣特為加資嘉義都憲予知此
人故於今特除今見其亦平人頃者所奏何觀着於今日若

是駭然懷都憲之職令人代羞丞施刑職之典許多臺隨近
習嬖姁予自代羞此等嬖姁無狀耳目雖清河負其勢一並
施以不叙之典兩司既空予當督行身為輔相亦以承休為
能予不覺自羞然若此故莫重下教如風過耳何者此言亦
由弥縫之意然此等輔相雖予何恃前領相韓翼謩左相
洪隣漢丞施刊版之典近者閹豎輩如無作俑之習漢之十
常侍唐之田令孜將復生於今予雖衰太阿在手其豈受制
於此輩乎嗚呼世道若此八十三歲君何月何日何時能聞
慷慨直言乎俯仰長歎此心何喻知予心者其惟高、波蒼
乎一聲慷慨只欲睡也夫

初四日備忘記所重若何而瑩中漫漶欲免其心萬之能猶
夜而思之處分輕矣亟施刊版之典 傳曰領府事金尚喆
為領相判府事李思觀為左相 今日入侍時傳曰八十三
歲今番機因萬古初也巡監軍下教誤以聽政一場勅勅冲
子莫知亦動而來聞領相所奏諸書堂構草聞所奏曰尋章
庶可以有助而以此添故章中予哂為其助而添書反為師
傳之大案聞其章於此一場勅勅予意莫定冲子何敢定心
其能寫疏數行之間無一做錯即予因宋太祖為太宗言此
言誠料表夙成若此予心忻喜若此故及此時其欲述之予
言曷勝有孫若此予何用心昨日徐命善章噫知其人熟矣

予於此人百人曰機閔以曾母之賢其猶投抒予則曰必為
穩睡承旨奏曰章中有重大之事云此予不能無動心即召
令讀予心泰然何則是誰之孫是誰之子是誰之弟朝鮮咸
曰亂世中二人予則決不信矣況其父又是樹立昨日徐命
善斷、忠心滿腔其血嗚呼今日予心其皆若此予將高枕
以何心為此有何嫌此章乎決無是理、、兩款事驟看
其不若此今將作若何人况聞傳說見元良章予則曰滿腔
溫血既已褒嘉今何復喻予哂者此其中同為入侍曰以莫
知何也未稍聞一語果若予心為弥縫此八十三歲此等大
臣予何恃也可笑都憲特召兩司所聞公言而覽其跡仍登

前席奏語其欲漫漶此等雖大臣父子兄弟來於昨日莫敢
況今日陰陽異路之一國都憲乎此人未知濫而予則曰慙
直故都憲特召意蓋此也昨日以覲滿腔所蘊即猾字都憲
若此餘何之道也特召而來漫漶而去此亦予慷慨亘中者
仰問彼蒼八十三歲朝鮮人君恃大臣乎恃耳目乎興惟及
此今日吾國曰有大臣之國乎今我翰林大書特書嗚呼此
後只其我所恃者元々噫若此不已日後是中民不可恃之
語必將聞於乎呼罵畢只知叩闕而慷慨吏曹判書徐命
膺忝判尹得養並三牌不進傳曰判書猶可也忝判亦然
只令飲烟尹得養推考予意今日朝鮮諸二品為前大臣陳

章欲訟寃而然乎若此故叅判若此乎果若此朝辭與乎皆
乎良可寒心乎

初五日領議政金尚詰左議政李思覲出甬 今日入侍時
傳曰雖學問有為已為人為已則貴為人則賤此人予知熟
矣今菑滿腔血忱其血豈冷此人何所求而然耶此忠也百
人皆媿媿為大臣特召下問皆依違而慷慨挺身此忠也能
思乃父乃兄至此正孝於家忠於國忠孝兼全即此人故
判書徐宗玉可謂有子嗟哉暮年其亦得臣雖過數日深歎
倍焉昔朱溪君深源之彈一任士私名登續綱目末編此等
人雖生茲閭猶非過也此等人豈可一例加而止中夜興惟

予自歎然嘉義徐命善此豈報忠是不過超二資今適有窠
宣苟且特授都總管使中外知得此於依違世界知其忠孝
焉嗚呼三昨舉措不可使聞於琉球國予則曰朝鮮亡矣將
今下教予表其忠而興東國今日口傳下批其令謝恩噫不
重則不威予將製下祭文代生旌同遣承旨致祭於故判書
徐宗玉其示末世聲百人之意故判書其灵有知則必飲涕
北望謝也 司直徐命善加資憲

初六日入侍時掌令高益敬李珥獻納李重馥等所懷刊版
人韓翼謩洪隣漢在於俱瞻之位不顧所重敢以不必知隣
無足憂翼等沆肆然陳奏欲為依違弭縫之計萬々無嚴不

可刊版而止臣等謂刊版人韓翼謬洪隣漢門外點送 上
曰既已處分爲國體嚴邦憲其何加律不允

初七日傳曰頃者處分時一並忝酌故臺臣昨請而雖不允

更思刊版之典太輕

韓洪兩相

以削黜之典加律下教若此本啓

卽從

備忘記今番後予心懂

見冲子作爲然後心可行

伏聞中有稟請者二三張入于東宮見其答承旨持奏 傳

曰春坊春秋兼帶事分付

王世孫上疏伏以臣卽伏見備

忘之下政院以我聖上止慈之仁何爲而有此教也臣誠惶

惴

臆塞莫省所以噫臣雖不肖豈不知我殿下至誠惻怛必欲

試可之意而願臣年紀尚淺學識未周徒依日月之光忝叨

儲貳之位。問寢視膳。子職之當然。而尚惧不克。今者成命。乃
閑國體。當此民憂。溢目世道日艱之時。非不欲自效其竭之
勞之道。而稚駉之見。曾下之才。實無一分承當之望。左右思
量。萬々焦迫。茲敢略入文字。仰瀆宗嚴。伏願 聖慈俯循小
子之懇。特寢稟清之命。焉。臣無任云々。入啓 答曰。省甫之
章。嗚呼。問予孫知甫祖年乎。今八十三。嗚呼。古來稀年。今加
十餘年。此建功支撐也。非甫祖氣尚旺而然矣。然氣甫時貼
身于席。莫知今世。前生所食。昔諸葛亮猶勝於予。嗟哉。楊儀
猶聞而然。噫。祖依於孫。依於祖。甫何若。是不諒乎。甫祖諺
文々之賤也。或反切。然後乃知。或雜技之賤者。不學亦何能

故三年讀幾時讀昔少兒為文章此猶若此況萬機國事乎
若此々々其有後時嘆東宮何生民何興惟及此予懷若何
故頃者下教有此萬古所無葛藤今此此教聽政乎代理乎
處置為駭舉自此以後予心安睡能便若有時食亦勝能支
撐今者此所政乎代理乎雖曰聽政百官無朝忝舉亦曰代
理不過忙聞數捷爾何動也々々國初依此例令承旨稟決
于東宮喜而教曰其可為也今者教正此也予只有目見此
教予見此處皆莫知誠當々予非聖人亦何心其可勅命乎
爾何動師傳皆來莫知辰時酉時顏然而卧聞此奏強起而
來八十三歲是何光景况稟決忙聞何時來若河清爾果奉

承然後夕食可食今夜可睡何心陳章諒予々々体予々々
此飲小水誠也仍傳曰都承旨持傳 王世孫再疏入啓
答曰見甬再懇既諭祖依孫々依祖嗟哉朝鮮祖孫相依數
三丈下教一何困予甬祖昨夜善睡今夜困甬其何交睫此
是昏定八十三歲一何受困此依孫受孝何諭諒予々々仍
傳曰此批答都承旨持傳 傳曰當詣旧郎仅注安徐只入
正時世孫隨駕安徐駕轎掩三窓待令 以承傳色口傳下
教曰此則無前例故勅勅有前例而聽政若舉行予當靜處
矣 又下教曰若不受此教則大小公事留院當為傳位下
教矣 備忘記凡事正名然後言順嗚呼復政後予政若何

昨日下午教無前例云為教聽政光明正大前例班令該曹
依例知悉然後當酬應內局飲建功 王世孫三疏入啓

答曰省爾三章一何困予予於今名正言順東國再安冲
子寔體三百年宗社莫負列朝盛德嗚呼祖孫相依將見臨
堂受朝忝之舉於予萬分幸矣於予可謂榮親課察庶務莫
敢以忽毋負我三百年宗國仍傳曰都承旨持傳 傳曰才
已安貼八十三歲將見冲子孝於予萬幸矣舊邸下教安
徐 傳曰今番聽政受朝忝以景賢堂為之自此以後體只
比前尊重矣暮年我有孫興初日有異常時次對以尊賢閣
為之 傳曰今番宜有上告下布頒教設科之禮明日禮堂

相考稟處

初八日王世孫四疏入啓

答曰省爾章若干冲子困祖何

堪嗚呼復政後幾年鬱結其勢利導一夕快解孫何困祖其
果若此水刺何食建功何飲當諭大於此者何等中官勸而
若此、朝鮮十常侍也若思其祖豈忍若此予坐于廳後容
後入房小子、閔予、以承傳色口傳下教曰世孫若又
陳章大小公事留院內局問候勿為之當減膳矣 王世孫
聽政吉日以初十日卯時舉行事礼曹啓下 傳曰一日二
日萬機予何躬治古例次對皆付冲子一月望前三對予當
為之一月望後三對冲子為之以此添書於節目 傳曰今

日我孫心可知相依幾年予當一慰今予心此舉萬古豈有
予喜曷勝大臣力請仰依寶鑑祖孫雖舞賢堂可也何可辭
也而若此卽進宴予何爲也十五日世孫設小饌而來予當
備小饌而待殿庭奏雙笛祖孫同食殿中予受者授政院冲
子受者授春坊此亦志喜於此日諸臣咸知所食焉 議政
府聽政節目入啓 允下

初九日傳曰明日世孫受朝忝可謂邦慶今夜弛禁明日三
司弛禁

初十日備忘記於今邦慶三代漢唐豈有雖過大何惜况當
局者迷安得盡善正今日準備二人者况曾經輔相爲保傳

者乎因徐命善請下教者飭已施特釋給牒二原任亦然皆
給牒叙用懂、夜待曉諭其果過爭予何受賀今予意雖海
東草木亦知皆春 今日陳賀時御製頒教文王若曰承列
祖之付托五紀臨卬加一年問其君之年也既八十且三風
夜祇惧臨淵復永憶復政時事五內隕結豈特為身寔為宗
國幾次下教遠見葛藤何以寂默若干下教幸而因斯光明
正大於祖庭有將攝之安於國又有盤石之固每稱祖依孫
孫依祖於孫有喜祖之孝於祖有今托之慶軒懸特設於庭
中冲子受朝於賢堂邦國有百代之安吾民有萬代之慶嗚
呼八十三此舉可洗復政之羞嗟哉冲子能知為祖之孝今

者邦慶漢唐豈有主宅得人朝鮮廢幾親製其文先告宗社
猗歟冲子先升堂而朝祔几杖其祖強升堂而受賀今日此
禮予何辭焉致詞青衿百官加批特命次第雜犯赦宥式遵
舊例嗟哉慶雲將凝於堂前萬民咸喜於國中故茲製示咸
須知悉 傳曰噫祖有主宅孫有慶祖代理之日况奉先乎

十五日冲子展謁太室展拜毓祥宮回來時拜義烈宮孝章
宮而入此乃聽政初回時自彰義宮至闕門捧上言其令持
奏于予 傳曰十五日月食相值世孫動駕再明日為之

陳賀罷後令曰諸承旨待下令持公事入對 春坊諸臣驩
名上書陳戒 答曰予以否才猥膺代聽之命畏懼方切良

箴又且勤摯謹當作爲四字之符庸副官僚憐我之意焉
領議政金尚詰左議政李思觀聯劄陳戒 答曰願以否才
體大朝至誠惻怛之意勉奉承戒懼无切頂門之誨適到
此時辭意勤摯欽服三嘆其中數件条陳即我大朝五十年
盛德大業也小子之夙夜憧々庶有一半分仰承之道惟在
於此无敢不銘心佩服以答規勉之盛意哉仍令曰史官往
諭 今日歲抄前領相韓翼謩前左相洪麟漢叙用 傳曰
大臣雖曰非矣置処豈如是遲滯乎用政催促 吏曹判書
徐命膺叅判尹得養三牌不進叅議李命植再牌不進 傳
曰三銓官丞施刊版之典朴相德爲吏判

十一日聽政慶科文武科親臨為之

十二日領府事金相福判府事金陽澤李淑吏曹判書朴相
德出甫 王世孫詣太廟後令曰行副司直鄭厚謙牌招入
對 王世孫自太廟展拜于昌德宮毓祥宮義烈宮彰義宮
以置處政不即舉行使判喬桐付處郎聽定配吏曹限今
月革兩司皆免為廢人 今日入對時領議政金尚喆所達
去月二十日延中下教關係至重至大而伊日記注疎漏書
錄與臣所聞大為差爽云故臣取見其日記則果為草率此
雖由於新進生疎之致甚在國體決不可置之其時假注書
朴相集拿問處之何如令曰依為之 令曰下令之下宜乎

趁早舉行而該府之不為閑坐事體所在殊涉未安禁府該
堂從重推考 禁府啓目朴相集原情微裁何如達令曰此
人之當初所為極為痛駭詎不喻翰林承聞又果明白是去
乙身為記注欲為漫漶者關係重大自有當律而既已改心
修呈且新進云特以從輕之意叅酌放送

十五日夜三更月食既 入對時兩司合所懷李迪輔事朴
盛源事令曰今當初政仰體 大朝盛德不從 大司諫蔡
弘履所懷事君以直臣子當然之道也文學宋載中書筵奏
對極涉無嚴且以居卿為托事體分義不可置之臣謂宋載
中亟施刊版之典宜矣令曰依為之 令曰諫長請罪宋載

中雖是糾謬之意書筵酬酢元非外人所可知者雖以本事論之固有在於此、則畏縮不教乃有此嘗試之計以此以彼難免不職之失姑示先飭之意大司諫蔡弘履從重推考令曰聽政朝恭原在外、兩司不恭人負書入

十七日王世孫上疏請進宴 答曰何因祖、、何所封、

、 備忘記領左相免相 王世孫再疏請宴優批以明日

集慶堂庭殿坐受宴事判下 免相傳旨措辭下教安徐

十九日令曰事體自異宮官雖兼、史顧其職則啓沃之責也文義箴警宜於書筵政令得失關於國事各有所當此後則公事酬應時必有未盡隨處陳規補予不逮事春坊知悉

二十日禮曹忝判鄭厚謙再牌不進自上嚴教至有九牌十牌聞卿承牌後已之教而三牌不進令曰鄭厚謙更為牌招勿為呼望今日都政後吏兵判初度呈辭令曰趙曦遞差兵判鄭弘淳給由

二十一日司直沈翔雲上書伏以云、仍伏念臣世受國恩與天無極隕結蓋報才丹耿、嘗感于大首之言曰娶不恤其綿而憂宗國臣雖微賤義同休戚區、憂國之忱豈敢自後於一匹婦哉魯汪騎公叔之家僮也能執干戈以衛社稷則夫子稱之苟壇場有事效死無人則扞艱敵愾捐肝塗腦是亦臣之素所畜積也夫腹心之害重於肢體朝廷之憂劇於外

患此忠臣志士之所以長慮却顧而太息流涕於平明之世
者也矧當邸下一初之政無一人敢陳緒言以格 睿衷者
臣竊痛心焉邇模廣陵南子耳尚且痛哭於市書進三十字
一字言一事臣請以八字為獻前五字為先事之戒也後三
字為切急之務也惟邸下怒其狂而少垂察焉曰黨嗚呼朋
黨之禍人國家厥惟久矣自漢唐以來苟究禍敗罔不由是
仰惟睿學高明貫穿前史已徃之迹靡所不燭請因宋史
明之宋自仁宗之世始有朋黨之漸而及至王安石用事君
子小人判為兩道夫安石制行之高與司馬光無異則其始
也未必非同一君子也惟其全用新進排擯老成蠹國病民

終不免小人之歸幸以元祐之治小紆熙豐之禍而衆君子者又不幸而各立門戶遂為洛蜀朔之分而章蔡之徒乘釁而起肆其憤毒則宋事遂不可為耳蓋君子之治小人也每失之寬使當時早用劉安世之論豈至是我朝東西之黨初不過為甘陵兩家之私相譏揣而是非一分毫釐千里東人得志有汝立之變轉而為南北則北人得志而癸丑之禍作南人得志而已巳之事出至今追思寒心痛骨為西人者實是元祐君子而邢七狼貝自生厲階西人之中又有老少之論是非轉以為忠逆矣於是彼少論者一得志而為辛丑再得志而為戊申宗社幾至傾覆世道遂成潰裂可勝痛哉

洪惟我大朝殿下五十年苦心惟在破朋淫建皇極至誠所
及豚魚可感乙亥處分之後天討亟舉民志大定為今日臣
子者孰敢不精白仰承以俟俟志之治而時日寢久堤防或
弛苟有面從之徒未盡革心者潛藏暗伺投間抵隙若是則
悖忤將復得志也豈不殆哉此其可戒者一也曰戚嗚呼外
戚之於國家恩義兼備禍福與同然其人未必盡賢者富貴
盈滿之以招殃速災此不必遠求前踪以我朝言之戚里之
家鮮有不敗之止於家亦云已矣害及於國尚可言哉嗟
乎使竇嬰不為丞相竇武不作大將軍則權勢豈有相埒禍
釁豈有所萌哉有國家者每於戚里授以重任處以當路不

不能如光武以特進朝請待勲戚者故其家不得全保其害
至及朝廷豈不危哉此其可戒者二也曰科夫科舉者所以
廣得賢之路開衆正之門也一有不正其害甚大惟其人心
不古知利而不知義主司懷荒之憂舉子昧關節之恥通
榜變而爲封誨則雖以楊億之清名汪應辰之士派及其掌
試亦招物色之譏然尚取一時之英才非直自己之私情此
蘇軾楊劉之論巧被章氏兩子之所竊而悔悞之意至形於
詩體者也苟或徒徇私情不顧公議潛相汲引顯有形迹亮
醜之餘莫不攘臂而起則此宗爲任樹私黨壞亂朝廷之本
可不痛哉此其可戒者三也曰官夫仕宦者所以萃一代之

才董庶官之務者也古昔明主之所以愛惜名器杜絕佞倖也其慮之也深其慎之也至故重華敷納之時必無干進之士成周立政之日豈有微寵之人哉苟或人懷希覲之志朝有傾奪之習羸豕有躑躅之漸羔羊無委蛇之節則履霜堅冰勢所必至可不畏哉此其可戒者四也曰諛書曰聖諛說心珍行詩曰取彼諛人投畀豺虎夫大舜之朝豈有諛人而猶且憂之況在後世巧俗日滋苟欲利己不恤傷人故雖治平之時或有諛慝之類則讜謇孳孳橫生國事沛顛可不惧哉此其可戒者五也曰公之者何純然一出於天理之謂公故公而後仁未有仁而不公者也比如衡之稱物輕重在彼己何

與焉書曰無黨無偏王道平、無偏無黨王道蕩、無反無
側王道正直記曰天無私覆地無私載日月無私照凡於賢
邪進退之際親疎厚薄之間權度得中無失其平則何患乎
朋黨何患乎戚里此今日急務之一也曰明日以恒久故貞
明天以健乾故高明、則誠矣誠則明矣比如鑑之照形妍
媸自呈物莫逃焉書曰靈聰明作元后詩曰明、在下赫、
在上苟於事之情偽言之較遁鑑別無差靡有疑晦則其為
下者莫敢萌濫科倖官之心又何畏乎巧言之孔壬此今日
急務之二也曰學正也名也實與仁字相為表裡此實聖工
之極致治道之至要而其本則在乎學、之要又必資乎切

磋講磨之益我 邱下膚質天挺膚德日新志慕三代學淹
千古凡厥涵養德性操存此心者慥、不已邱下之於學其
勤如此然其切磋講磨之益則不待師傅賓僚果盡據直少
文而忠乎抑或浮薄無宗而佞乎出入書筵之臣果皆沉默
畏慎不言溫室之樹乎邱下苟能博求真知宗踐之士端良
敦重之人置之左右前後必資啓沃而責輔導則庶幾為進
學之一助矣此今日急務之三也凡此八者雖若迂遠而陳
腐然前五字比則受病之本也後三字比則對症之劑也無
病而服藥有病而忌醫均之為失而亦不可以不病不蓄藥
此七年之病三年之艾鄒聖所以垂訓也噫、臣之情私自

來悲苦應舉從官爲出進就之心則既非自靖之志亦慨臣
弟永矢之意臣雖無狀豈忍為此況自昨年橫被人言歛迹
息形無復世念臣牆壁無依所欲忠者國耳主耳眷愚衷
不能自己竊附憂愛願效進言議謗之來固所甘心惟邸下
哀其誠而矜其愚不以人微而廢其言則臣之一片血忱斯
無他者庶蒙煥明之俯燭矣云々入達答曰覽書具悉已
余閱矣 備忘記義重沐浴事關忠運有面商事卿慙雖知
當今討罪之日首揆豈可不叅今方坐待而卿須臾此渴望
之意卽爲僭入事無史往諭于領議政 故院連曰領議政
金詰尚依下令來待矣 令曰領相入對 令曰刑房承旨

入對

令曰判金吾入對

令曰禁府都事入對春坊因書

翔云

上書徑出

答曰翔雲之指意予已嘿念矣於尔等光鮮尔

等勿辭察職

令曰翔雲之書挽及賔僚指意所在明若觀

火則何可以此等之人此等之言有若引義者然相率徑出

字陳書人一并從重推考牌招八直 禁府翔雲拿來囚

判義禁三司同為入侍時大司諫李宅鎮副提學李瀾司諫

俞彥脩掌令任濟元持平金翹休校理朴相來尹行修副校

理李佺慶獻納宋文輅正言李商達副修撰吳大益等所連

判府事洪麟漢醜以不必知朝事之說肆然陳連於筵席者

萬、無蔽雖因 大朝廣蕩之恩即蒙收叙之典不可置之

於西樞之任請判府事洪祐漢削奪官爵門外黜送 令曰
當稟于大朝又所達副司直沈翔雲本以允迪之裔改易其
祖決科從官其露事之凶悖為人^之傾邪舉世之唾棄而乃者
投進一書指意陰譎叵測請仰稟大朝亟令王府拿鞠嚴問
令曰當稟于大朝大司憲^中養厚等所達假注書朴相集向日
起注之際未免投稟至於屢次改修曠日遲延事極駁然請朴
相集削職 令曰依達大司諫李宅鎮等所達前大司憲宋瑩
中向日入侍下詢之際以曾經王署時色目等說漫漶為辭極為無
狀請宋瑩中削去仕版 令曰依達

二十二日 傳曰今聞沈翔雲上書萬々駁憤予何顏拜驪州慈聖

翔雲兄弟與其父歸本宗此可謂毛將焉傳者也令該曹立
后文書及周 脩忘記送種翔雲令該府嚴訊一次後發配

脩忘記政令中竄配以下法令令小朝裁斷 令曰兩目不

叅聽政朝叅是豈臣分之所職出元在外外諸臺邊遠定配
以正分義以嚴紀綱 定配現告沈履之朴起采金復休李
普天趙采弼朴聖泰李敬彬金致顯李獻慶黃樟宋樂

令曰名位已定則君臣之大義無所逃矣兩日之無一人進
叅於政聽朝叅者究原意思不可以時日之稍久置而不論
大義不明故聖教所云宵小之輩接迹而起其在嚴懲討之
義不可尋常處之為今日北面之臣不叅朝叅寧陷無臣分

之科不敢出脚埒端者恐蔽已停之啓也畏首畏尾瞻前顧後之狀昭不可掩不叅諸埒為先拿問處之捧口招以聞

傳曰分付該府卽為舉行箇、嚴訊問前發配 禁府都事

南寅老、眾人沈翔雲梅棘事黑山島出去 副提學李淵

劄子伏以臣於昨夜八對時伏聞睿教屢下於領府事臣金相福辭教截嚴傍觀惶慄而彼相福蹲仍不出及承恬不知愧之教然後始乃退去非但國綱延軀虧懷無除今日瘡造又晏然聽入來聽改之後體與分義與前自別則焉敢肆然不顧冒登前席佯若以睿教初無閑念於進退也三百年紀網於相福掃地矣臣謂金相福為先施以削黜之典以嚴君

君臣之義云々八達

答曰非卿質直安有此言然彼大

臣事不特此也卿何足云々

司直李湛上書伏以云々鳴

呼自有天地生民以來至大至重之事無過於堯舜禹之

授受而當時輔翼之臣有若皋夔稷禹之輩一堂吁咈情義

交孚而未聞一言及於授受之際者何哉誠以聖人公天下

而極天理之正合人事之宜豈容以言議為也洪惟我大朝

臨御已踰五紀聖筭懋懋九奎聖人志氣雖不與血氣而俱

衰一日萬機終不免有待於攝養况我邸下膏質天成溫文

日乾仁孝誠敬夙著今聞以我大朝嘉悅之聖心必欲使之

攝聽機務少得宵旰此固臣民之所同願而以我邸下養志

之誠固安得辭其責也此誠達天地而不悖之大經大義也
為今日臣子者承聞 聖教只可仰陳敬謹之意而已豈敢
以他說贅陳而伊日洪璘漢位在大臣敢以不必知之說肆
然發之於 聖教忌側之下者已極駭惡况伊後傳教承宣
李命形之所當奉書者揮手心之者又何其顛錯胡亂之至此也
惜乎其徒知事体之至重莫念義理之至正自不覺其陷此
大坑也乍點旋叙宜有司直之論而歷日未聞臣竊訝之今
日三司合達可見一端公議而猶未蒙準許是雖出於我大
朝至仁至慈之聖意而論其負犯豈可例付西樞便因徵青
細瑕之薄勅旋收者哉臣謂仰稟大朝聖從三司之請為臣

又竊有駭憤者沈翔雲天地間一罪人也渠以亂倫之人竊
科叨榮已是世道之大變而此猶不足又懷不逞之志投進
一書指意巧譎殆有所不忍正視者刑訊屏裔處分雖嚴其
在小人勿用之義不可不究極其情矣正當律也云々八達
荅曰卿大朝委毗之臣也詳此書陳可謂不孤聖簡也大臣
事自上靳允出於原情之聖意今不更賒似無甚傷至於翔
雲既未正典刑者恐有欠於 聖朝正倫明理之治予欲一
陳於大朝矣

二十三日傳曰初則顧瞻今又非時昨日合辭諸臣施以削
職之典 傳曰翔雲上書不可 聖鑒諸記註勿書朝紙勿為

頒布 傳曰噫祖孫相依其宜以逸遺孫沈翔雲蒙尚儉倣
面者也其宜嚴問而聽政初光景若何況運官尚儉益昌翁
子搜局幾家其亡餘波釀成戊申今其孫翔雲於聽政初非
始職不過軍職則列書堂名甘心舊習卽此一事於渠斷案
予意深矣下教若何於渠宜自裁而甘心就島此司馬昭心
也范質詩猶籛徐戚施況此乎不可不嚴問正法問目書下
令該府卽為設鞠嚴問以書下問目卽為刑推結案以奏
執義申應顯上書伏以云々伏惟我邸下春秋鼎盛睿知高
明主堯震宮已多年所而我大朝以大堯倦勤之岭法重華
命攝之舉則其光明正大俟百世不惑者為如何哉而為今

日臣子者誰敢有一毫如何之意而彼相臣洪璘漢乃敢以
三不必知之說挺身陳達於延席嘻噫此何心腸其所謂不
必知者謂邸下方在冲冷而有不足知歟謂睿學未就而有
不及知歟抑謂國家事初非邸下之所不知歟以邸下而不
必知國家事則誰當知之乎究其心迹誠不可測彼相臣者
親居肺腑最蒙國恩不思報效敢生不滿之心欲沮戕國家
大計豈不痛哉為今日臣子者固當臚列罪狀嚴其請討卽
秉彛之良心臣公之當然而惟彼相臣勢席父兄權傾人主
威焰所加莫敢攻訐以扶護餘論便作義理寧甘得罪於國
家不敢違拂於權門猶恐不爛熳同歸是以大朝命書代理

傳教而大臣揮手心之則承旨不敢書大朝俯詢宰臣之疏
則都憲謂之深文而原任亦為和同以此觀之承旨只知有
相臣而不知有國家都憲與原任只知有相臣而不知有國
家義理之晦塞極矣人心之陷溺甚矣然而懲討不舉國是
未定至於沈翔雲而極矣其全篇語意以弄陰譎包藏秋心
顯斥宿僚不言溫室樓等語指意所在萬々叵側此莫非寓
窟未破根柢盤結羶承躑躅將無心息之日矣他日之憂豈
可勝言哉臣謂相臣負國之罪不可不明正典刑其餘附從
扶護者亦為次茅鋤治各施當律斷不可已也云々八達
荅曰判府事不必知之廷奏豈曰異哉其心重出於孩畏事

面之重未諒義理之嚴而然也予所謂大臣當日之事謂之
失言則可也論以無嚴則案非本情云者良以此也書中云
莫或過中之甚乎至於承旨之不敢書聖處稍遠未能承
聆予所目覩也尤何必深非哉噫世道之陷溺久矣言出司
直不顧所言之當否先覘上意之如何為今痼弊原任興都
憲伊日之奏或不坐是歟是非既正處分孔昭到今更事故
擊殊犯已甚之戒況且大朝五十年盛德大業惟是全保世
臣陶成蕩平之化則此豈非予中人所可仰法者耶昨今以
來治職軍卿之章填咽公車此非我大朝全保世臣之本意
也予庸憂嘆為之繞榻尔其勿辭察職

傳曰尚目雖書

下其意不專在於公然現能循例遲晚勿捧而其心所在
固嚴問直招然後捧結案

二十四日令曰亞憲申應顯還給上書入之 令曰申應顯

之批以悉予意而今覽避嫌之書其所条列頗露圭角未知
培臣之意果出於天地之公歟予則曰大朝所以付托予小
子者欲使予小子仰承蕩平之化與大小臣之儆薄大
公至正之域也其在仰答明命之道凡所以隱微杜漸者尤
無所不容其極端辟不道羅織薄勘不足以糾其言之過當前執
義申應顯罷職不叙 禁府申目李敬彬等原情微裁何如
達 令曰李敬彬段以桂坊初登講席盛陳義理之分是去

乙意或謂言與迹同是如子不參朝參究取以賜義耶理耶
供辭中實合首勘云者正是道是遣黃樟李普天段遊祥漫
漣之狀昭不可掩沈腹之段供辭混淪祥令當信並依昨日
下令發配朴聖恭段情理似然公揀金致顯段忠州距京恰
滿三日則初七日除拜不及十日朝參理勢固然公比不喻
此人以故相之子非等閑臣子之比寧欺於此人豈予先自
疑之乎特以惟輕之典公揀放送 禁府沈翔雲拿來囚
傳曰下教若何而若是遲滯拿來當該都事汰去 傳曰罪
人若結案勿為加刑卽為入束 傳曰聞其遲晚予欲無言
也不忠不孝於渠準備者嚴治一黨之時敢以余列黨目自

犯不道其亦當律而按法之規究其心忝其法予則曰於渠
亦莫知當律也此亦漫說詎嗚呼暮年祖依於孫々依於祖
夙夜思誠卽此也邵康節俄者既諭數条故然也更思推鞠
時劄勅石承宣下教以聞~~過~~除云噫惟翔雲妻自今光景已
論左相今聞結案豈特妻也又有祖母與母也予於此等處
心先動矣特妻孥然此猶一事嗚呼海東朝鮮只有祖孫尚
無嗣屬每讀邵康節吉人為善惟日不足之語八字為三字
以付非特此也嗚呼無前邦慶存墨之時彼翔雲自南來乎
自北來乎非言者非求言作此萬々叵測之舉子教之無赦
皆為此人準備者當此邦慶冲子聽政之時有此舉此非枉

問其事亦戮也殺戮同施豈夜中石承宣之意乎 傳曰彼
猶若此况此乎渠雖自戕何異於以刃刺人也晝夜深誠者
聽政初頭其何自為肯聞故相所奏晝夜深誠者予此忍為
耶雖在故目間事一下教之然後其祖母自在死同牖其
妻與弟莫知何境與惟于此予心先酸邦慶若此之時何忍
為此舉子寧受歌法之譏何以為宗國忍此殘忍之舉乎此
下教子雖學淺豈有善人隨後命捧結案予意在此於法不
視著予心亦如此雖然自辛丑亂本益昌到今若此祖孫同
罪也益昌已故今豈可論翔雲並與弟黑山堡終身庶民不
齒士類嗚呼今予此舉若快一正法殺幾人混殺幾人乎傳

猶若此况殺乎蒼々照心今者此教為冲子祈永 傳曰才
勝德古人既云可謂翔雲兄弟難兄難弟待開門後道押付
傳曰下教雖如此兩月嘿々而去若此而其何恭鞠曾國法
判相今日入侍兩司並施削職之典

二十五日副提學李秉世上書請還收沈翔雲酌處之命以
令王府更加嚴鞠 荅曰職在論思有執法之請予庸嘉尚
翔雲特貸一律寬出於好生之聖意今何更煩 玉堂聯劄
請翔雲更鞠 荅曰已諭於副學之批矣 大司諫沈鼎之
獨上書掌令蔡挺夏申昕持平李繼運等聯名上書並請翔
雲更鞠同 荅曰酌處之命出於好生聖意今何更瀆宸聽

予。副應教洪國榮上書伏以臣與判府事洪璘漢同姓之親
而十寸族祖也方今三司齊設群鼎極嚴顧臣私義不敢隨
衆於諸臣之次有若他人者然茲於立碑之下未免違傲云
々臣於乞免之章不敢有言而嗚呼大朝以至慈至愛之德
付卹下以三百年宗社之重卹下今日之急務莫先於仰体
大朝五十年調劑之苦心而夫何近日以來風色轉激公車
填盈或有過中而未暇裁擇者若此不已則以泊聖期寧靜
無恃噫八域含生所以仰戴者惟大朝與卹下凡有血氣之
屬豈有他哉若使今日臣子倘有其罪則譴罰可也若使今
日言者或過其情則審諒宜矣况當卹下一初之故務盡至

公至區之道豈可有一毫未盡之嘆哉臣以多年講讀之暇
編蒙知遇之眷每登霄遙區、所仰達者實不出於全保世
臣鎮安世道伏想邸下亦有以記有之矣臣之斷、赤忱乃
為國也非為私也適當論思之任不為邸下更達一言臣之
孤負之罪何以逃哉茲敢披瀝衷曲伏願邸下垂察焉云、
八達 荅曰予知遇於尔契合於尔者自書筵矣箴警與
益者何莫非知遇而契合也然予之稱尔者別有在焉感尔
誠意不作表襮至於全保世臣鎮安世道不特時務之節要
予欲書紳以此用作時措之資可書中引義過矣尔其勿辭
從速察職 次對入侍時大司憲李滉所啓庶民罪人沈翺

雲本以悖倫狀邢之類投進一書於小朝聽政之初拍意叵
測國人齊擯王府再訊之下情節未究而遽下酌處之命如
此宵小不佞之徒不施典刑則無以戢奸邪而杜後患請還
寢黑山島庶民罪人沈翔雲酌處之命更令王府嚴鞠得情
快正王法 上曰今者所請治體則然昨夜處分今朝下教
非為翔雲如今邦慶為冲子祈永之道不允 三司合達洪
璘漢事停達

二十六日令曰不叅聽政朝叅諸治情勢之似然者或有叅
酌之事則沈腹之供不可謂之無據前都憲沈腹之放送
令曰洪奉朝賀入對事史官往諭 備忘記有面諭事且今慈

繼久寧待卿入來議定湯劑卿須体于此意即為偕入事史
官更諭于洪奉朝賀々 令曰洪奉朝賀入對

二十八日禁府申目朴起承李敏慶等原情徵裁何如達付
過放送金淑休段依下令發配宋樂段分揀趙榮弼段以趙
鎮衡之罪誤入現告放送

二十九日傳曰今聞所奏兵判許適礼判徐命善為兵判

副提學李秉淵所達翔雲之特貸一律雖出於我大朝好生
之德而並與梅棘之還寢近日培達與李迪輔朴盛源列書
並錄妻情已極駭然况混入於諸庶民蕩滌之中乎仰稟大
朝依初傳教梅棘恐不可也 令曰所奏誠是當仰稟于

大朝矣 傳曰罪人沈翔雲依初下教舉行 令曰訓將

李章

罷職 傳曰訓將萬々可駁削職 傳曰今日異於他日訓

將下教安徐 令曰訓將越捧三等 大司諫沈昂之所達

訓練大將李章吾下詢之下

下詢以近不習日陣之由
章吾漫應為對故也

所對極涉漫漶

以事休誠為未安不可問備越捧而以請訓練大將李章吾

罷職 令曰依達

尋即
何任

令曰宋瑩中負犯不輕乍罷旋仍

原傳旨中付標

丙申正月初一日 王世孫展謁于 太庙昌德宮徽寧殿

展拜于毓祥宮孝章庙懿昭庙還宮陳賀 陳賀頌教文

王世孫若曰予以菲才猥承代聽之命識有所未逮思有所
未周夙夜憂懼如履國水若無諸大夫之左右前後則予冲
子其何以獨運乎哉嗚呼方今之弊不一而足而以言乎大
者則玩愒度日而紀綱不立澆漓成習而風俗不正振紀樹
綱移風易俗除非一日之所能也然而發號施令思有以
立紀綱正風俗者則當今之至務也至若山林卽衛道之本
而拖延之礼或曠明堂為巨國之兆而偏設之習未已科
試所以作成多士而反啓僥倖之門銓選所以揀拔人才而
多循顧私之偏戎政疎而陰雨無備財用匱而經費不繼為
守令者剝削是事而無漢吏之良在言路者詆訐是尚而乏

王臣之謗民生日瘁何以依保之文風日替何以振作之貧
婪穢甚而未見一人之抵法苞苴公行而不聞四維之為言
凡所數者其皆是虐國害政之本欲求治國之制宜先振
刷之道方當一初之會又值三元之正竊宣文告誕敷心腹
咨我大小卿士咸体此意共濟國事

初二日修撰李秉模上書伏以云々惜乎使有如故宰臣尹
心衡者在豈不矜或乎士林而維持其萬一嗟彼宰臣居家
而有清儉之操立朝而秉義理之正鹿衣糲飯沒齒守桑戶
繩樞之下而視扞冕不啻為樊榭流風餘韻至今耀人耳目
此臣所以恨不並時心竊歎賞者也其子養厚蔭藉名父位

躋宰列世稱清官要職莫不平步而竟攬在渠之道固當飭
躬勵操激濁揚清以守其父之緒餘而今乃一反其道父以
清儉而子以貪侈父以義理而子以勢書勢之所歸朝東暮
西利之所在左鑽右刺奸細之情側媚之態有不忍正視而
至若柳志養之頃年一疏具庠革之向日綢繆或始涉而終
負或先密而後疎改頭換面婢膝奴顏殆予千億化身出入
人家主張時論一國諠傳十目難掩則自知見棄於公議乃
作陰護名類之說厭然掩惡遊辭取容臣固不知所營者何
事所與者幾人而除非一種嗜利無恥之徒則名為士夫顧
安肯同流合污於其間哉然迷俗易欺少慧潛售而計壅斷

爵位愈顯噫嘻痛哉從古小人之迹如出一手其自為地則
誠巧矣奈國家世道何哉嗚呼賢邪進退案牘有國之興亡
在上之人亦豈不知賢之可進邪之可退而惟彼小人深於
謀身希覬窺伺投間抵隙利在大臣則附大臣利在戚里則
附戚里利在敵國則附敵國惟利是趨凶怨莫測於是乎變
亂甚黑白顛到甚是非必使人々汨其善々惡々然後肆行
竊竊禍人家國而渠之爵祿則自在安享每讀前史未嘗不
扼腕太息於湔々之轍而不幸於臣身親見其人也嗚呼君
親一也孝於親者必忠於君今穢養厚則捨其賢父之志事
一切置諸笊籬邊徒席餘麻獵取厚利不復知世間羞恥事

則臨江名亭之放恣移構負郭良田之爛熳畝占在渠櫛屬
細故臣不欲索言以傷忠厚之風也噫人之無良至於此極
而尚曰姑且恕其忘父乃更責以忠君耶若使此人一
日在朝則有一日之憂二日在朝有二日之憂終為國家心
腹之患將不知何樣機關出於何地思之及此寧不凜然傳
曰惟仁人能好人能惡人又曰惟仁人放流不與同中國伏
願卹下深軫世道之憂明示好惡之正亟令有司快施屏裔
之典使朝野人之洞知小人勿用之意然後益懋典學益勤
庶政嚴堤坊而申明義理禮儒賢而講求治謨云云目下急
務斯其為最姑不更及他事而副司直洪良漢以疊勞累之

蹤寅緣附謫濫通清顯物情駿款久而未已備堂經筵之任
一並刊正則其於勵名節重官考之道豈不有光乎云々入

達 荅曰尹養厚之嚆利已知於靳点館職之時所請依施

洪良漢事當初簡放出自聖意從當仰稟大朝處之尹養

厚海南空配 副提學李秉鼎上書陳戎盛陳春秋大義且

請以春秋出義題誠士於科場 荅曰言皆切實予甚嘉之

春秋之試場出題事不無所見而當初廢罷既有嚴科場之

駭意則事係變更有難擅便議大臣稟處以難便稟處 今日八侍

時大司憲李淮發論李迪輔事朴盛源事黃宅仁事停啓李

迪輔疏論鄭厚諫李潭之朴盛源疏請南澤老仲寬
諫黑山島曾有鞠阿之啓諫黑山島曾有鞠阿之啓

傳曰前於安撫

濟事嘉尚矣今堵都憲不負國恩排萬事有此舉庶可謂元
春枯揚生稊可謂不負八十三歲君心幾十年臨御之效庶
可見於此人大司憲李淮特為加資 傳曰今者此舉予豈
夢憶非都憲斷忠心使我豈至此自今令八十三歲君免
枉殺無辜之名明朝將於建明門朝參非李淮予何有今日
之處分每於此等事知其人故特除於其人可謂忠也况其
樹立於今日予何羈縻此任特遞都憲為都總管 傳曰南
絳老事項者已諭朴盛源伸冤之說其本無據雖不從况今
後不可以達一字斷其人其令舉國咸知以雪其事此猶若
此况朴盛源乎可謂毛將焉傳朴盛源特放

南絳老以執義極論
行私之罪初尙刑配

吏判李潭受人指彈恣意更爲親親以大違不道正法

備忘記唐長孫王后聞魏徵直言正衣

而賀明日朝叅世孫賀致詞頭辭曰忠直在朝固當爲賀云

都總管其令八侍於門

頌議改金尚誌所啓沈翔雲雖有

庶民蕩滌之教而依初下教既已存棘則固無可論而翔雲

處分時有並與第舉行之教故翔雲兩第亦皆爲庶民並赴

海島矣日前庶民蕩滌之後

凡在庶民律者一并蕩滌

似當在勿論之中而

未及承指名下教該曹不敢循例舉行云矣上曰可謂皮

之不存自在蕩滌中矣又所啓南峰老既有雪其事之教

復官等節依例舉行之意分付該曹何如上曰依爲之

傳曰門鑰仍留已有下教而亦有自小朝舉行事亦以微旨

開闢事定武事知悉

初三日常參入侍時大司諫沈昂之執義郭鎮純合啓沈翔
雲事停啓 副提學李秉鼎校理俞漢敬修撰沈豐之

副修撰鄭宇淳所啓俄下傳教臣固知聖意之有在而培啓
之其達其停不可奉承 上教況沈翔雲之負托關係至重

為今日臣子者何敢遽然停啓今此舉措謂之培閣止而

國綱頽可也請停啓兩司大司諫沈昂之郭鎮純執義郭鎮純茲停啓之

論則舉皆舍默無一人之異者及臣等請罪之後始乃蒼黃

進伏欲為分疏其依違顧瞻之習不可無敬言請兩司諸培一

並罷職 上曰依啓

初四日大司諫南玄老執義沈命德司諫柳義養達曰沱翔
雲罪狀云々黑山島荐棘罪人沱翔雲仰稟大朝亟令王府
嚴鞠得情狀正王法 荅曰當稟于大朝處之 司諫柳義
養達曰頃日庭試時以三舉子試券之雷同至有拔榜之命
其時主文固有其罪請其時主文李福源亟施削職之典

荅曰主文事關係科試當稟于大朝處之其時命官金尚喆
主文李福源取恭億曾孫羽達從孫榮毅錫恒孫守元三人
而三人試券俱是雷同叅試官徐有寧乃於唱榜三日之後
始乃覺其為然上疏自劾則金尚喆上疏引罪請三人拔榜
上允之若此謂三舉子即指趙崔等人也

此後金若行上疏極論金尚
喆上疏自明事實甚詳

初五日令曰戶判既已親承令旨此後內用雜物非自故院
下教下令者切勿許施永革中官口傳分付之弊如有特
教則先為舉行仍為稟達事令度支知悉應教李高岩上
書伏以云々日昨大朝處分之_下平凡在瞻聆莫不感激欣聳
而惟彼李迪輔經年瘴海獨未蒙一視之澤其豈無向隅之
歎乎顧今幽枉畢伸罪謫咸宥而惟此人尚在於竄配臣謂
特降恩宥以示同仁之意云々將任與他自別而御臺大
將尹泰圖賦性邪媚行事濫竊特以將家之裔偏蒙朝家拔
擢之恩而不思一分報效之道戎機軍務視若弁髦貪榮牟
利者作能事此則在渠不足深誅而況其蹤迹凶忽惟勢是

趨至於于預朝政安論通塞其假威市權之罪不一而足此
等負國奸邪之類豈可置之於輦轂之下哉臣謂亟施遠竄
之典使此輩少知懲畏焉云々八達 今曰予意已悉於大
臣々々所達亦如予意若此不區朝家紛波將毋安靜之期
未知國家稅駕於何所也其在仰體聖意之道處分不可不
嚴應教李商岩別職原書給之噫我大朝五十年苦心_專在
於鎮安調劑則近日風色極其紛紜此非細慮良亦寒心而
似此晏陳之章尤係不得不仰徹者是豈分旁之聖意乎此後
若或小有飭教以致煩聒於 聖聰之舉則雖欲為言者容
之其奈自犯何哉諸臣以此知悉

初六日以宮房所屬之憑藉恐喝於戶曹事措辭 下令龍洞宮次知內侍徒三年定配當該宮任杖配

初七日肅廟四殿毓祥宮當于徽寧殿中宮殿加上尊號事定奪 王世孫昌德宮毓祥宮告由舉動時 令曰訓將李章吾越捧一等

初八日尊號陳賀頒教

初九日偷忘記古人云當局者迷豈皆盡善此皆於今日為卿等準備者噫予幾年苦心為昔年弛焉此正轉瞬為幸也噫卿等幾年心遂此月其何過為撕捥既已擇日惟卿等一倍焉卿等休邦慶^昌予心安^昌即為謝命事令入直注書

同傳於韓判府事前左相韓判府事洪矜漢偕來史官書啓

以為念臣釁累至重合辭再茲嶺海鈇鉞日夕是俟聖度

天大曲加覆庇始薄勤而旋収又勤諭而曲保西樞之見帶自

如乃於千萬意外吏官傳宣聖諭藹然於辭命之間臣雙

擎九頓感淚被面第臣伊日之罪不待人言臣固自知而一

段理外之說有不忍収追提伊後一轉再轉甚至於必欲

湛滅而後已者其何敢以已經薄勤而有所自恕而自安者

哉云々敢啓 荅曰知道

初十日兵曹判書徐命善上書伏以臣卽伏見判中樞府事

洪矜漢書啓則有曰一段理外之說有不忍追提収此指

臣疏而言也未知臣疏有何理外說反復点檢終不能覺得
豈臣執滯之見迷不知變而然耶抑亦當之者別有可下之
端而然耶如有之則洞然昭晰打破臣言可也何必圖圖說
去只以理外之說加諸大臣云尔則其罪不輕顧何敢厭然
自是不知所處乎伏乞陛下司敗治臣誣罔以為妄言者之
戒焉入達 荅曰卿之向日之疏予則以為中理大臣所謂
理外之說予莫曉也豈其時日已久未及徐究之致耶為大
臣抵牾吳卿其勿辭即為進叅診造今日入侍時令曰卿之
向日廷奏辭未盡意之致况與判之疏徐命善其所輕重者意
亦可見昨日是諭 聖明俯燭予何多詰見卿書啓意多諄

厚綽有古大臣風予之起敬良亦多矣今則大禮當前邦慶
維新此非卿一向在外之時敷示心腹有此慰諭卿其体此
意即為入城仍令曰入對垂春秋往諭于韓判府事

十一日掌令俞恒柱上書陳戎請庭謁駑外增別取試後背
講一徑節製八格後亦背講能講者直赴不赴者許赴會試
且請即日唱榜則或以五七言短律或以歲銘頌面試他科
則以賦表策面試不能者拔榜停舉十年云云 答曰書中
条陳言甚是矣當留念科講事係更張議大臣稟處 尊
號慶科以大增廣擇日啓下 令曰明朝洪奉賀入對
十三日副提學金夏材上書伏以云云臣伏觀卽下代聽以

來克明克勤抑私恩而抗公道董庶官而修法度推此以往
則丕變之義可指日而待而第念學究日新事貴有終而竊
眴 膏質英氣大露間有欠於涵蓄沈深之意辭令或遽不
濟之以寬裕凝靜之方臣恐 膏學理有所未純養有所未
充而然也伏願應務之暇研窮舊學細繹新得以至救其偏
而充其宗則萬事無不正矣夫在上之人雖欲勵精奮治未
有獨運而成其務者昔仲由為季氏宰孔子戒之曰先有司
赦小過舉賢才先儒釋之曰必先有司則君行臣職矣不赦
小過則下無全人矣不舉賢才則百職廢矣舍此三者而乘
之宰且不可為況於天下國家之大乎是以古之明王勞於

孔賢逸於任人視其功過而賞罰之此虞舜所以垂為而治者也伏願卹下勿以束縛馳驟為嚴而必軫恤使之道勿以趨走承順為恭而必先廉義之重科目之外別求山林隱德之士致敬盡禮以為國人之矜式焉嗚呼卹下今日之務莫急於明大朝之本志以曉當世夫下嚴忠逆是大朝之紀綱而隄坊日壞勸懲廉貪是大朝之憲章而競躁日甚此皆群下不能將順其美代揚休命之致也伏願卹下深鑒此弊大明黜陟其或不得自新者仰稟而行之則聖心悅豫而睿孝益光云々入達 荅曰書中陳規言甚切竊皆中予病心庸嘉尚今爾此職地望相當未其勿辭察職

十五日傳曰大禮當前鼎席不備判府事李滉為相李思
觀降右相出肅 命時原任大臣九卿六曹叅判以上牌
入侍 儲慶宮同為追上尊號事下教

十七日左議政李滉出肅

十九日又以令旨敦諭于韓判府事

二十日大司憲朴相老大司諫南玄老等八台臣入侍以昨
夜傳教有兩司甚便官名可揣之教為先避嫌措辭下答以
沈翔雲合啓不停嚴教備至 兩司合辭以還難停啓之意
為達仍請翔雲嚴鞫得情快正王法 上曰既諭所謂翔雲
今日可謂孤雛腐鼠亟停勿煩 朴相老又所啓閤家奪入

之禁即我 殿下五十年為民宗惠也前後飭教不翅申嚴
臣似聞有一軍門或稱以軍門負債假作文券而奪入或托
軍官廳文書廳鑄錢所而買入此固可駭而撤毀六七間家
作為一區大第亦或有之云其罪有浮於奪入矣亟令該府
嚴查現出依律重繩 上曰今日可謂有始罔令京兆詳考
亟施島配之典 朴相老傳旨褒嘉面給馬 漢城府查覈
草記內御管大將尹恭嗣家所買入者瓦家為七十一間草
家三間戶數則為四戶 傳曰萬古豈有是理不覺歎然御
將尹恭嗣先施三等之典初欲海島十分參酌機張縣投畀
三倍道押付 傳曰張志恒為御將

二十一日漢城府達回依下令摘奸前後將任家則訓練大
將李章吾家閭家買入者凡七戶凡家為百三間草家為三
十九間的案云々令曰知道 傳曰尹恭淵事夜中思之萬
々可駭又聞此草記心駭者自慙者無焉君臣誰有輕重而
章吾俗所調妻族也幾年曰無親之事此人犯焉噫五十年
自謂立法者元戎為此乎不可尋常處之今當坐閤門拓集
都民決棍三十度投畀喬桐矣 尋又下教決棍安徐喬桐
充軍倍道押送 以具善復為訓練將具善復代以李漢膺
為搃戎使 持平李鼎運上書伏以云々朝著之上去一養
厚而又有二養厚在焉惟彼李鼎運本是蔑倫敗家嗜利無

恥之甚者其父之前所遭慘兄奪官之目是何等人倫之
變恠而事由其子累及所父則渠安敢抗面人世復玷官爵
乎而恬不知愧愈肆恣臆撐腸挂腹都是禍心聽言觀色終
非吉人講張浮言設施機括勢家權門東附西趨鬼域情態
倏忽閃爍十手所掄萬目難掩前後清官美職無不傷人害
物諛媚虛張而得之者至於副學而極矣竊矚近日翱翔禁
圍希覬榮寵張眉吐氣舉措在駭噫涎舌凶邪之膏粥權勢
鉗制一世者其本鮮不由於冒居清要漸肆威仆之致也今
以此人伎倆復叨誣擢畢竟病害家不待智者而較然矣若
其居家不義之行臣不欲臆言渠以故相之女婿負其恩愛

反為仇讎悖戾之行同有紀極姻婭親戚豈不駭惋今當一
勅清明之治不可使如此之類一日在朝也決矣臣謂李秉
鼎清要之任一並刊改一依尹養厚例亟施屏裔之典斷不
可已也云々入達 荅曰當諭於令旨矣○令曰向日佞臣
之論尹養厚辭理具嚴予之所以許聽者知其為公議也今
見李鼎運之書滿紙張皇乃是勒成之說從前此習子嘗痛
之世道之憂容有極哉李秉鼎之有罪無罪自當有乃是非
而隱然歸之於尹養厚一例者有何可執之端耶且夫婦之
間有非他人之所可知今以行路之人質言閨門之事其心
雖出於急摯其迹亦歸於不忍初欲仰稟大朝以請處分方

以調劑之或不如前辭教非常此時瀆撓非予本意從當處
之李鼎運為先罷職不叙。大司憲朴相老菴達請沈翔雲
北邊遠竄令回依達 又所達徑明行修是何等題目而
向者一相臣岬以此題目加之於家駙無識之人搢紳傳笑
士林代羞請洗馬李冲汰去 令曰殆罔既如此當之者勢
難躡蹠改差。大司諫南玄老菴達請翔雲停啓兩殆臣

沈翕之
郭鎮純

刑黜 令曰依達

二十二日判府事韓翼謩肅命

二十三日令曰既非命官又非考官叅考官之能否何敢論
列而外議之如何尤何敢質言於筵席乎關係紀綱檢閱柳

備削去仕版。○柳僊入對時，以為李秉鼎考試不以公心為之外間亦多有辭說。仰達故有此命。副提學金夏材所達李秉鼎之父子持論本自公平，而秉鼎向年連劄案關衛道，近日章奏亦出顧防臣，只見其有功，未見其有罪。李秉運乃以不近理之說，勒加詬辱。況閨門之事，案非外人之所可知者。處分令旨之中，其迹自歸於不忍之教，已洞燭無餘。噫！一人被論，猶屬細故，而竊恐自此以後，向善者無所勸，為惡者無所懲矣。不可不更加嚴處，以鎮朝著，不靖之習宜矣。令曰：所達誠得論思之體，予之於副學期以地望者，果不誤矣。李秉鼎之撐腸裕心云者，案渠自道若此而置而不論，不知何

樣機闕出於暗黑之地予之隱憂豈過乎哉況翱翔媒寵之
說以予頗春顧於前副提章奏而然矣此必欲朝廷之意也
所請依施巫施屏齋之典可也○王世孫為上尊號詣太廟
二十五日 王世孫親祭上號後仍詣毓祥宮行禮還宮

大殿中殿上號後陳賀頒教

二十七日時原任大臣入侍時 傳曰今予靜思一則憶昔
一則追念世孫既為孝章後來頭孝章將為孝陵九事為國深
遠之道其宜預思九事不重則不威今番禮成後其亦思惟
孝章有號然後宗統正事面直今者孝章孝純二字宗統自
正乎其欲下問 傳曰既上告下布雖無可疑轉展以思國

之重事若安鑒石必也正名予之欲問者非為美謚難測者
世事於章陵有引興獻王故事所爭者數次下教予心動焉
惟其時世孫亦若何其在息邪說正宗統之道不若今於邦
慶莫大之時繼定乎此亦萬古永固之意此非議謚者孝
章稱孝章承統世子孝純稱孝純承統世子嬪造給竹冊以
為傳後之道正宗統為此之意朔祭兼告由頒示八方

二十八日傳曰孝章世子銀印書曰孝章承統世子之印八
字孝純賢嬪銀印書曰孝純承統賢嬪之印八字○判府事
洪璘漢處偕來史官書啓情地之外賤疾危苦以此情病萬
無起動之望云々敢啓傳曰知道

三十日 王世孫為告由詣孝章宮

二月初二日以承統加號頒教陳賀

初三日脩忘記思其本事三呂過矣

判府事洪裕漢

偕朱史官徐安

令曰一拜後齒闕展禮明日當詣垂恩全展拜禮兵房知悉

初四日王世孫詣垂恩全還宮○令曰還宮時原任大臣入

對事下令○王世孫詣資謨門內俯伏上疏入啓疏曰伏以

殿下之於臣即一天也頂踵毛髮無非賜也莫非德也臣之生年二十

五歲皆得造化涵育之中者也臣感戴鴻私銘心縷骨惟以

問寢視膳爲區々報荅之計矣不料我殿下不知臣不肖不
克負荷乃以一日**鵲**機之繁舉以畀之其事則至嚴至重其
責則至艱至大願臣愚魯豈有一分冒當之望漚血控辭至
再至三而不能得則分憂所迫雖勉承膺已數月于茲矣夙
夜祇惧如集于木者乃者聖上深軫宗統之重永爲根本之
念遂於上冊之後特舉**賜**躋之禮臣且榮且感罔知攸措雖
隕結縻粉何足以仰酬其萬一耶抑臣有私情之萬々痛迫
者今日事會之發而危衷益激不能自抑欲言而聲先吞欲
書而涕先**從**嗚呼此殿下之所以不忍聞小子之所以不忍
言而遂復淺默則是自阻於仁義之天臣之情事永無可暴

之日也茲敢大言疾呼泣血陳懇惟殿下哀矜而垂察焉
噫壬午處分即我 聖上為宗國不獲已之舉也以大聖之
心行達權之道環東土大小臣民敢有議於其間況臣之全
保殘喘得至今日者罔非 殿下之洪恩高天厚地泰山所
海未足以踰此感激在臣報效之道當信之如四時守之如
金石傳萬世而無廢也假使恠鬼不逞之徒敢生希觀之心
肆發追索之論而臣乃為^其心更心妄欲移易義理則宗為
殿下之罪人非特為 殿下之罪人亦將為宗社之罪人萬
古之罪人皇天上帝臨之在上宗廟神灵質之在傍臣焉敢
誣也臣焉敢誣也至於喉院日記盡載其時事宗無人不知

無人不見者傳之聞者議之流布一世塗人耳目臣之私
心哀_如爛殆窮人之無所_之故也夫閭巷匹庶之有情理悲切者則
終身含痛如不欲生臣雖愚頑亦有此一段不泯之心而今
乃高臨御極儼對百僚豈不有痛于心豈不有泚乎顙守若
以為臣之哀痛或有碍於殿下之處分公則此有不然
者蓋殿下之處分即天理之公也臣之哀痛即人情之極
也處分自處分哀痛自哀痛真所謂並行而不悖兩存而無
傷者也若又以為無日記則無以徵信處分公則此亦有
不然者國朝典故俱在簡牒金匱石室藏之名山千秋萬代
移動不得又安用日記為也嗚呼日記之存不存在殿下處

分之如何而臣之所以自處者惟有遜避儲位沒身屏處只
以一日三時恭修起居之職而已言之至此不覺腸摧而心
裂籲天而無從也伏乞殿下悲之矜之諒之察之坐收臣聽
政之命仍去臣儲貳之位以全終始慈惠之恩亦不勝大願
臣與任云々○今日時原任大臣八侍時傳曰一自正宗統
之後宗國有泰山磐石之勢雖然今子夙夜心在於宗國嗚
呼今者此舉豈特宗統寔為冲子靜而思之今者此舉為宗
國為冲子其有未盡者何則秘史雖不可議於政院日記與
傳皆見塗人耳目者嗚呼壬午閏五月日記與傳見時此予
見甚矣思悼冥々有知少也飲涕豈垂恩之意哉秘史既在

何因日記有無若聞此教雖垂恩為宗國處分雖若此為余
若此。余將無恨云矣壬午年其時日記今日時原任適
入侍故已下教承旨一人依寶鑑例此亦不過傳後而已與
注書一人同詣彰義門外遮日若洗草若此則執事莫知者
雖曰日記當時政記在焉此日記何關若此予心光明於宗
統此事為垂恩不忍嗚呼因予涼德遭萬古所無之事宗統
之事今者之教可謂兩行不悖况末世人心浮囂雖見日記
更提文字者當以戊申梟獍餘種嚴懲况他日乎此後語及
壬午事者當以逆律論咸須聽此若莫犯邦憲○王世孫上
疏答曰已悉諭更何諭此章與俄教同藏史庫

初六日傳曰洗草日記陳賀今日為之。須教文王若曰云々
嗚呼往事追思每懷文孫之至痛時運不幸此豈子心之樂
為達權式行蓋非獲已茲以宗邦大本之爰定乃有孝章休
号之特加銀章斯煌示統緒之已正楓陛載賀喜基業之永
安因蒙嗣短章之進特願寡躬感懷之尤切命此日記洗盡果
是義理之正大云々李徽之製進 御製諭 王世孫書若
曰嗚呼海東三百年朝鮮八十二歲君其依二十五歲孫今
日正宗統邦國有泰山磐石之安而且見陳章辭嚴義正可
垂於百世日記洗草式循汝意且聞昨日全上舉措聞者可
以滂沱遵國休造宝冊故事欲以至孝賜甫、師領相金小尚
詰之

言令予感動故雖寢其命豈可泯其跡於來後特以一孝字
勗其心於今世表其事於來世雖海東昆虫孰莫知也特為
臨殿宣諭俾愛其賀祖孫相依光明正大於今日也嗟哉我
孫休汝祖意夙夜兢々保我三百年宗社夫子卽祚五十二
年今八十三歲示諭于二十五歲世孫 諭書令領相書進
事特教俄有賜号至孝世孫銀印竹冊令戶工曹設都監造
八之教纔書傳旨領相以及汗厥命以安世孫心之意陳達
故寢其命而有此諭書製諭之舉

初八日令曰紅袖哭之過從班紫衣之作掣外官已係宮闈
之紀綱至若宦侍鴈率之擬於士夫官府下屬之行惡外邑

尤何等變恠從今以後嚴飭所司隨現論罪各道一臣隨其

聞見先為嚴繩追後收聞事下諭于八道道臣

仍令各道有以令

初十日王世孫詣永禧殿酌獻禮後還宮

十一日大司諫朴相岳上書請諸軍門留財及庫且請行面
試答曰諸軍門及庫事議于大臣稟處面試事予則曰
徒法不能自行考試以公占科以正會試殿試即一面試率
由舊章為今急務更安用別此與前之法以傷待士之禮乎
兩司八侍時大司諫朴相岳所達近來世道之乖亂朝象之
浚散人心之陷溺風俗之囂競誠非國家之細憂此豈一人
之故而若言其作噉矢而為臣魁則即具庠是也庠本處氣

所鍾濟以陰譎居家有悖戾之行在官肆淫貪之習而此猶
餘事以其地處不思守分乃敢東西跳踉左右迷亂暗地排
布同非戕人而害物半生揣摩不出凶國而禍家凡渠罪惡
有不忍污口而索言若使數年肆其眩臆則未知國家稅駕
於何地而何幸情狀盡露投之有南處分嚴正國人咸快未
幾宥還已是寬典而渠猶不悛舊習計出窮蹙初既見弄巨
室而反自以為有功近又固結凶孽而亦自以為有見日夜
綢繆雄唱雌和內而包藏禍心外而虛布聲勢又未知何樣
機關伏在何處則二三其德千億化身猶屬渠家傳之法而
在朝廷折奸萌明好惡之道豈可一日置諸城堙之下哉請

前叅判具庠巫施遠竄之典 令曰公議所在不可靳持依
達竄鍾城

十三日耆耆庭試卽日唱榜文武壯元玉園備緒文武壯金相
戊

十四日李漢膺為禁將李柱國為樞戎使

十七日右議政李思現當日卒逝○令曰右相以耆耆大臣
今遷喪逝予甚懷悼應行諸節當依禮文為之而樞材分
付擇送○令曰宋宰臣富而之母喪特撤曲宴禮待之意可
以見矣殿講雖與曲宴不同其在從厚之道不可以並例強
行殿講以二十日退之

十九日以徐命善為守禦使仍其舊特解李章吾投托
奴厚男訓局伍布搜以鹿短布賣食訓局記簿錢三萬餘兩
擅出殖利軍兵差代之伍捧賂都庫各種權利全看家舍踰
制貽害軍民仍令啓自捕廳按治今日結案處紋

二十日增廣監試初試設行○儒生分製講製述沈念祖直
赴殿試

二十一日獻納申大年上書陳勉膏學云云惟彼李敬倫以
故相之子若思其父頃年奏語則固當追述其改革之意蓋
洗其舊染之污而自在蘊籍偏側校琅已多媚悅躁競之謂
而及竊科第野火不盡曰根潛萌綿結成孽日翕滋情迹詭

秘心術陰巧傳說喧騰為世指目乃於昨冬崔趙數人唱第

之時揚言于稠座曰

崔趙即守元
羽達輩也

故家得人誠非細幸此已見

其萬一放恣而又於囑院呼來數人曰似有致於吾當進去

禮幣湏以真緞備待云云渠以今日臣子苟有一分畏忌國

法之心安敢以此等說萌於心而發諸口乎赫々香案之前

抱此心而出入其可曰同得秉彝之天字豈意平蕩之世尚

有此一種化外之法哉此而不懲竊恐涓々滔天之勢靡有

止泊矣臣謂李敏倫亟施流放之典可也且以檢閱趙公鎮

以其父戴敏循例推恩事論覈清永刊仕版且請主圈人議

罷云々入達

答曰省陳事言甚是矣當留念李敏倫事關

係堤防當問于大臣處之趙公鎮事雖非此事昨既譴罷今
無可論至園事依施。執義金樂洙上書請李章吾移配
絕島 荅曰所陳依施

二十二日李章吾移島郡安置○李敬倫事問于大臣後下
令旨削去仕版門外黜送

二十三日令曰易名古也扶植名教振勵風俗關係非細若
贈吏判金昌翁之高標絕俗放蕩賢李釋之守道林泉余之
所常歎慕其付太常議謚○以洪國榮為檢詳俄升舍人
二十五日以兵判徐命美為吏判以李徽之為兵判○傳曰
頃者武安王兩廟欲令仲子展禮而漠然明日東廟其令仲

禮

二十六日王世孫詣東闕王廟展拜後還宮

王世孫具甲冑為初獻西局大將具甲冑

為亞終獻洪旺宗以訓鍊正為大祝

二十七日令曰金相翔之因大朝小朝不欲立焉者或以副射之父可免威罰不然耶抑或不概於今日之朝廷而然耶已為俗職則不可謂之情勢而前後賓對累有飭教而屢然不恭全無敬畏之意究爾意思有不可曉也行副司直金相翔為先拿問處之

二十八日增廣大科初試設行黃海監司洪述海原情云々令曰以渠所供有難準信既有特教查問則不可輕易決折

姑先付過放送以待決末○掌令申祈上書請攝佐堂徑李
景為名者賣文於松都富人出入場屋令捕廳刻期跟捕嚴
刑禁配 答曰所陳依施

二十九日金相翊原請云々 令曰其所納招不特漫漶至
於滿堂既曰行公則情勢云々已歸於虛空雖以情勢言之
到今歲久事冷又值新聽政之日既出之朝廷反忽引入有
若歛身者然未知有何失所於攀援而然乎立紀綱正風俗
當自比等人始其可尋常薄警而心乎况其子之臺卿即署
一切絕跡究取處心尤不可知行副司直金相翊歲以之配
金相翊南陽之配○獻納李枰上書請還寢洪述海姑先放送

之命更令本道各別嚴查答曰甬之書陳似或出於微墨之公論而言不別白頗涉畏首畏尾之嫌良可慨也

三月初一日因李杞避嫌述海事為先嚴查即為忤聞御史任希雨拿問處之事下令

初二日 大朝特教以申晦為左議政李澱降右相

初三日右議政李澱出肅右議政李澱所啓湖南道臣安兼濟放未放忤聞中黑山島荇棘罪人李迪輔置之稟秩矣邦慶稠疊累經大需伊時同罪者亦蒙恩宥此則何以為之乎上曰特放

初四日今日政藝文應教復古差出鄭履煨俞彥錫洪國榮以鄭履煨為之夜二更傳曰內局入侍、、時挂摘茶前方中加薰香一爇焚八事下教。左議政申晦出甫。礼房承旨持庚子甲辰日記入對事及諸官官盡為八束事及無補德兼取善兼司書即為入對事下令。庙社山川祈禱事下令。傳曰大宝傳于東宮。

初五日卯時 大朝殿下昇遐于慶熙宮之集慶堂 王世孫卽下率百官舉哀。執事錦城尉朴明源昌城尉黃仁占工曹判書金漢孝副司直鄭厚謙兵曹參議金漢老為之事下令。入對時司直金孝大判尹尹東指副司直金頤柱金魯

永執事一體八恭事下令○宮城扈衛○以領議政金尚喆
為院相以左議政申晦為提護使以一王孫思彥君祖為守
陵官內侍李景聃為侍陵官○當日申時襲○禮曹儀注宗親
文武百官斬裏三年衣裳用極麗生布不綰還屈冠以麻纒
為武及纓中單生布為之綱中白緣不吉金玉圈首經以麻纒為纓纓帶以生麻為之竹杖宗親從三品都正以上文蔭
武從二品曾經同敦寧副提管以上堂上則曾經判決事以
上堂下及叅下則曾經侍從以上外官則曾經水使以上皆
有扶腹則用菅屨公服則生布團領帽帶裏以生布靴用白
皮燕居服則布衣布帶布笠士庶服則與朝士燕居服同而
著白皮鞋凡受纓者妻並着裏替年祭服方小長裙竹釵布

帶白布履士庶之妻白衣裳禮曹嗣位告由取票令曰因
極之中何聞此草記還給

初六日申時小飲。自是日嗣位庭請政院連達兩司連達玉
堂連劄。答曰同極之中又聞不忍之聞言崩迫而已卿等
更勿煩言少安予心。○殯殿都監堂上趙重晦金漢耆鄭存
謙都廳洪國榮鄭民始。○國葬都監堂上蔡濟恭李徽之尹
東暹都廳柳義養徐有防。○山陵都監堂上具允鉦金鍾正
李重祐都廳李普溫俞恒柱

初七日御製編次堂上具允明蔡濟恭卽廳洪國榮鄭民始
徐有防李鎮衡。○行狀編輯堂上蔡濟恭趙明鼎黃景源鄭

存謙李徽之李福原李宜哲李彌趙琰金鍾秀十一日洪崇性

鄭尚淳李在協具虞沈履之金曾鎮吳載純李衍祥金燿

李得臣○是日終日庭請不從

初八日大臣百官詣中宮殿閣外請自內勉諭又詣世孫

宮閣外三啓力請答曰仰承慈教俯循群情不將已勉從

同極

初九日辰時奉移 灵床于資政殿具侍衛陪從自大臣至

下人皆哭從巳時大歛申時奉下梓宮

初十日辰時成服午時 當于殿下具冕服即位于東政門

須教文王若曰 皇天崇降鞠凶極罹巨創小子丕承宝位

勉循輿情 祇率彝章詎安黼座 粵若列聖之垂統庶幾
三代之化隆 宗德祖功膺駿命於上帝文謨武烈貽燕翼
於後昆 恭惟大行大王允矣善繼善述 舜聰達四裔歟
萬民之時雍文思兼三展也八方之風動 念細旻之時履
薄每切寅畏之誠軫窮鄙之解懸並憇子惠之政勤儉著於
家國宗由一德之昭孝序通于神明具為百行之本揭矜經
尊王之義備亨儀於皇坭勉龜疇會極之功囿品物於化域
於休五十載光御爰覩千一運肇四年則邁唐堯之同治億
兆咸戴德既符衛武之戒抑九五日康邇來喜惧之心惟祈
萬壽何期過密之慟遽纏一朝納丹金膝未效代躬之祝宣

命玉几永抱龍髯之悲况然膏藥之屬最已矣視饕之無日

氣在疾正當槐槐處苦之時皇如求何安涉祔受室之

禮至痛自難堪忍繼初意之深至大位不敢廢盡示

莫過卽體慈旨俯循舊儀嗚呼大景承心勝一聖命勉榆萬機今遵舊序之常任其源

位于宋改門尊王妃金氏升王太妃三讓

衣而坦然疾懷臨益純而法然飲泣念投大適艱之業若為

承當顧踐位行禮之辰悲孤付托惟我幸謹於堂揖曷勝永

尔於羹牆肆宣十行之音痛昧肆赦之典自本月初十日昧

爽難犯死罪以下咸宥除之於戲在今初辰思臨蕩之仁苗

我終切仰見履歷之美故茲教示知悉大提學李徽之

今遵舊序之常任其源

製進。傳曰寡人思悼世子之子也。先大王為宗統之重
命予嗣。孝章世子嗚呼前日上章於先大王者大可見
不貳本之予意也。禮雖不可不嚴情亦不可不伸享祀之節
宜用祭以大夫之禮而不可與太庙同至於惠嬪宮當有
京外貢獻之儀而亦不可與大妃等共令有司議大臣講
定節同以聞既下此教在鬼不逞之徒藉此而有追索之論
則嗚呼先大王遺教在焉當以當律論以告先大王之
靈咸頂知悉。○惠嬪稱號同議大臣以惠慶宮追尊。奏請
正使申晦副使鄭昌順書狀李鎮衡為之。李迪輔朴盛源
今日陳賀別歲抄給牒叙用

命玉几永抱從髯之悲况然膏藥之屬最已矣視膳之無日
紫一在疾正當槐槐處苦之時皇一如求何安涉祔愛室之
禮至痛自難堪忍繼初意之采至大位不敢曠虛奈群心之
莫遏仰體慈旨俯循舊儀嗚呼本年三月初十日辛巳即
位于案及門尊王妃金氏升王太妃以嬪金氏升王妃睦綴
衣而坦然疾懷臨益純而忘然飲泣
承當顧殘位行禮之辰悲孤付托昨
尔於羹牆肆宣十行之音痛脉肆赦之典自本月初十日
爽難犯死罪以下咸宥除之於戲在今初朕願
我終切得見展熙之美故茲教示知悉大提學士徵之

大清宣統元年三月初十日

三義永代勝
聖命勉榆萬機
今遵徇序律律其遂

十一日^以即位時冕旒冠狹小不能用玉堂延請尚方三提調
罷職不為請罪承旨亦罷職○戶判蔡濟恭許連以其允鉅
除授禮判趙重晦以儀匠做錯大臣請罷以蔡濟恭除授朝
臣肅拜案政殿在庭為之事下教

十二日議謚上 大行^王謚曰翼文宣武熙敬顯孝而弼曰

英宗殿號曰孝文孝明孝綏以孝明為之陵號弘陵仍○謚

狀著述官李徽之謚文製述官金陽澤預差趙明謚丹製

述官李福源預差鄭存謙裴母製述官黃景源預差蔡濟恭

改銘詔書馬官錦城尉室象書馬官洪鳳漢預差朴相德謚

文書馬官尹得養預差洪梁柱謚母書馬官李最中預差尹

著東宸母書寫官昌城尉預差尹東哲表石大字書寫官金
相福預差金尚喆陰記書寫官尹東暹預差具允鉦○因山
後依庚子年例移御于昌慶宮事及設都監殯殿營建事下
教○王大妃殿以諺書下教曰 大行大王五十年節用愛
民之盛德朝臣百姓孰不知之當此民窮財竭之時在遺巨
創登享諸需凡百供億似多不足同極之心不能自己和緩
翁主受特別之慈愛當此之時無以酬報國恩所并 賜予
未嘗虛費其所貯蓄者欲自効于此等之時銀子二千一百
兩今有所獻而又銀子一千一百五十兩曾予所以留意者
合三千二百五十兩下之付諸該曹以補一分用度因又下

魂殿山陵所用銀甕數十座

十三日擢拜洪國宗為承旨都廳洪國宗代宋煖億改啓下
十六日四學儒生鄭在寬等上疏伏以云々嗚呼 大行大
王修舉典衣致勤於喪禮命蔡喪禮補編一洗千百年之
謬亟舉方喪斬衰之制甚盛舉也第方喪絞帶之外又有燕
居布帶恐非禮之本意謹按儀禮斬衰三年之制為父為君
斬衰之絞帶齋衰之布帶其制截然絞帶白絞帶布帶白布
帶而廢麻服布之說始創於賈疏之杜撰先正臣宋 時烈與
門人權尚夏書有云晦翁末年汲汲於通解之役至欲請於
朝今則已有上命其可少緩字只恐註解或失以負堅意得

罪斯文蓋朱公之禮不可不遵而註解之謬不可不知禮不
衷不見容承衷之深衣承經之絞帶承冠之免便是燕居服
况斬衷者駢巾金玉以布帶為燕居者服則與切總之服何
別乎今此大喪斬衷經帶一遵以禮而別為燕居之布帶
豈不班駁而無義哉在今礼教大明因此將以正數千百
年之成憲則喪制之疑仅註条目之繁循其本而大正亦
無所難矣古若喪在身則雖有親喪不敢私服君喪之改
而今則喪經只為一時所用而已初出布帶以之燕居以之
出入以之終三年則名雖斬衷實則以齊衰之一布帶終三
年也是豈方喪之意乎生員進士不命之士也是以先正臣

徐敬德初仕宋甫命故自同不設於朝臣自補生員臣當 中廟
喪祔有裏三月是則君喪布帶有據焉臣等俱見儀註生徒
等與生員進士同補而儒生之時居齋學而有有司之名者
與方外生徒亦自有間今不為上衣下裳三月之制只衣長
衣而帶布帶以為三年之祔則自係於公卿大夫家臣之祔
在禮無所考據乞賜處分追成庶人之祔焉過三月以後則
以白衣冠終三年似合情禮矣且古者布緇有若冠梁有等
以別尊卑等數故因存金玉得有別焉而凡於親喪去金
玉礼也則君喪輒衰不去金玉可守若行古礼則卿大夫在
父喪而祔君喪從政者其安於損金玉守臣等以為一反

古禮許以軹衰從政則金玉之存初非可論雖行起服之令
而無所拘碍矣云々八啓 答曰寧考成憲在矣爾等逮修
學業。傳曰儒疏所陳係是禮節之大者又有 先王朝已
定之制則固不可率爾請改而前席讀疏不下字句又當詢
問全昧訂據既為疏頭諉以不知至於起服一款大闕倫紀
此非祈期於庠序之士其在崇礼教正士習之道可不無顧
學儒鄭在竟為先停舉。傳曰今聞周副承旨洪國所奏
大行大王御製編次時裕昆錄願據篇合有商量云予亦商
量者其令同議時原任大臣以奏

十七日及虞後魂殿以文政殿為之文政殿卽今之徽寧殿

也徵序殿神位移於安古之講書院事下教○大殿宮人名
色目今革罷事下教○傳曰今當後役仰体先朝度恤之
盛德凡係用民之役皆以儲置未嘗減○藥房入診時加減
心腎湯自明日連為煎入事之頃

十八日以從權事賓廳藥房政院三司連為要事至是日
庭請而至三啓答曰奉承慈旨不待已勉從尤切悲痛矣
傳曰庭請班列稀疎公故有案病外二品以上罷職侍從三
品以上削職吏曹恭判權道入罷職現告以并得養代之○
特教以洪國宗無帶內局副提調

十九日命時原任大臣二品以上政院三司八侍諭以大

行大王遺教及慈殿所教有追崇孝章世子之命當日
議謚上謚曰溫良睿明哲文孝章廟號曰康宗熙宗真宗以
其宗為之陵號曰永陵綏陵端陵以永陵為之殿號曰永經
景和返福以返福為之○傳曰返福殿處所以返穰門內為
之○上賢嬪謚曰徽貞賢淑孝純追崇都監合設於國樂都
監事下教○乘恩墓之官減以守奉官二員差出事下教○
傳曰提護使之任顧不重歟○管領諸都監舉行莫重之事
因非疎忽處也以昨日事言之所薦相地官三人入侍下詢
之下其所奏對專不成樣堪與家學乎亦茫昧而予之所問
亦不能仰對况車亭道已知其尋常地師則如昨大臣以此

首舉其他之說然可知其在重事倖不誠敬之道不可以大
官而不勸扞護使申晦罷職。傳曰願議改金尚詰為扞護
使。傳曰卜相以金陽澤為願議改。金尚詰降左相。以都
承旨敦諭于領議政金陽澤曰予初授卜侍御為相為國事
甚喜此非卿辭燕之時其即謝命。謝恩領議政金陽澤願
罷臣金若行上疏留院金尚詰逆出城外。傳曰本事予在
春官時洞知其顛末而卿之心事先大王抑亦悉燭者也
當此國事同隍之時何忍為出城之計予特命扞護之任卿
須顧此時勢安。傳造朝事史官往詢與之偕來。一日之內二
次敦諭而尚詰書啓以情勢難進之意終不入來是以有卜

相之命而李淑封八。金若行上疏伏以云々臣卽先大王
拂拭陶甄中一物耳。曾蒙綠毫之報。少答天地之恩。而玄宮
已啟。萬事都休。則古人所謂追先帝之殊遇。欲報之於陛下
者。正道臣今日情勢也。况事有關於先王之誣狀。先王之
謚。則有不可違待。公除之恨。茲敢慙血成文。乘時拜進。惟
殿下垂察焉。臣竊伏惟念帝王孝之不專在於善居喪一節
而已。大行大王以宗社之重。臣民之責。付之我。殿下
身則節哀順變。殿下之所當勉也。繼志述事。殿下之所
急務也。大舜之孝在於德。為聖人。武王之孝在於脩緒顯名
此。殿下之所宜體法而思所以正美者也。嗚呼。今日乃

殿下一初之政而天人向背之幾國家治亂之會則此豈非
我 殿下大惕念大有為之時乎夫天下萬事莫重於倫常
而君臣之義又倫常之大者也故凡亂常悖義干係犯分
者謂之凶逆而君臣之誓春秋之法不但有司誅之人、得
以討之朱子之言曰祖宗之誓萬世君臣之所必報而不忘
者以此觀之則聖賢之於後誓之義其重且急不容少緩者
逆可知也嘻噫痛矣亂賊何代無之而未有^如辜丘之凶黨也
懷貳心於達儲代理之中肆讎於誣告羅織之地動採國
本薙醜忠良^光滅絕天理而後已此乃亘萬古所無之變而唯
彼錫胆先法恭億三逆案是鏡虎之巨魁者輝之同惡也誣

獄之鍛鍊諱疾之陰祕教文之凶暴馴致戊申乙亥之凶逆
則其誣逼聖躬謀危宗國之罪雖萬戮而猶輕其在臣子浴
沐之義不可以時移歲久一日忘其誓者也乃者追奪未竟
旋復其唐天綱甚恢王章太厲蓋出於大行大玉容物之
量好生之德而馴習龍蛇並為赤子變化梟獍威愾大度者
案符於天地神造之運有非凡人所可窺測而若其蔽德討
正倫常之義已昭著於乙亥追施逆律之傳教十行緣臨至
有乾雷吼逆專由予予之太施厲典不治其本之過也醒意
之嚴截蓋可見矣蘇藩殿下之初政所當先者孰有大於
予醒誣正倫綱明是非誅亂逆之道乎朱子所謂祖宗之言

萬世不忘者宗謂今日事也嘻噫惟我 大行大王五十年
含垢匿瑕仁恩涵育有可以孚感豚魚則諸逆之餘黨遺孽
宜其革去舊心融化大德而根株不拔查澤尚存羸豕躑躅
鬼魅跳踉其於嚮日守元羽達輩科第而極矣堤防不峻有
河決魚爛之形種子依舊有石罄笋生之慮吹噓逆孽而不
恤人言胚胎禍機而欲戰公議噫彼命官文衡獨非先王朝
北面之臣乎其心所在誠不可測而及夫公議峻茲真難
掩則乃以雷同二字自諉於矇未覺察而遁辭引罪含糊彌
縫周遮繆過果若以雷同拔去則何不於考試擢名之初而
反在於放榜遊街之後耶以乃路人所知者則此輩焉敢逃

其形於天日照明之下乎然比之於癸卯偽科則此亦猶係
細故矣夫癸卯偽科觀其命名設行之意凶悖無倫固有紀
極而尚今不罷遂成亂階式至今日引黨援類無所顧忌義
理晦塞名分乖亂矣臣又聞 大行大王謚冊文使李福源
制進云摸旦日月鋪張聖德昭垂萬世者何等重大而使偽
科亂逆之種操觚濡墨滓穢太清耶閭巷匹庶之人欲受祖
先幽寵之文則必擇有德望清門閥者以為後世因人懲信
之道況今 殿下孝揚先德之日豈可以此等醜類掌以大
文字以羞萬世之眼目耶臣以為先正錫恒光佐泰億元凶
之罪亟行追奪奴才竊思典繼削癸卯偽科以存大防之嚴次

論金尚詰李福源黨逆之罪又收福源募進諂丹文之
命以昭邦刑以快輿情斷不可已也雖然今此訖逆究厥本
原則尹宣舉父子是也宣舉始以江都俘奴終為賊鑄血堂
匿情於韓賊諱迹於絕交前後機閑雲非陽指而陰助乎生
伎倆不過欺世而盜名極則文歸父過贊揚不死之義宵絕
師門潛售嫁秋之計相連腸肚於己己凶逆而綢繆締結交
作嚆矢於卒丘逆黨而誦張為幻徽朕過宋之說潛擬先腔
之虞變句踐詐失之語敢譏聖祖之秉義擬書一出心術畢
露丙申處分寔萬世不刊之典而追削之律可見其蔽國是
明天討之聲意也及其黨與寔孽醞釀積久懷懟於丙申逞

盡於辛壬變亂舊章而復其官謚削奪先心而黜罷院享
始因斯文之是非終成國家之患運歷數辛壬戌申乙亥諸
運盡是右祖極之父子滅害先正者則乃其心腸一串貫來
極乃者輝鏡夢輩前身而者輝鏡夢又是極父子之授面
者也君師一體則肖其師者忘其君此乃理勢之必至也然
則極之罪焉敢逃於春秋誅庸首惡之律乎何幸乙巳軋漸
赤然先正之爵謚既復而彼極之官秩仍回此雖未達於當
時而豈非有待於今日者耶其在拔本塞源正名定罪之道
不可不追奪宣舉父子之官爵以破亂運之窩窟也明矣惟
聖明夫漸無以事過年久而有所疑難焉嗚呼 先大王事

在聖躬不訾匹夫廓然大公無所計較故射鈎斬裾之類革
面斯受而顧乃嗣服之日其義理事而有異於先王朝時
則疇昔之操戈旁弓者尽是我仇我誓而國誣不可不益雪
逞黨不可不嚴討若使光恒億三逞晏然在於復官之列則
聖誣無以雪矣若使黨護逞孽者無所懲畏則王法無以行
矣若復徒除旁孽而不鋤其根則潜滋暗長遽成遂達之勢
只塞末流而不清其源則决堤夷坊竟作滔天之禍如不欲
雪國誣則已如欲雪之則三凶孽籍之典不可以暫緩不欲
正王法則已如欲正之則削科之律黨逞之罪不可不亟施
而雪國誣正王法之本又在於追奪宣舉之官爵以為正本

清源之道扶綱立紀之術也臣伏念 殿下聖度聰睿典學

高明迥出百王之表則其於討復之義何待臣言而誠以不
可一日無此義於天地之間而不忍使 先大王之誓容貸
於食息之際又不忍使 先大王揄揚之文出於凶孽之手
故也若臣所以期望於 聖明者又不獨心於此而已也伏
願益懋聖學無以已知為多克勤聖德無以已知得自安競
業、遜志力行常存天位惟艱民事惟難之戒持守之時若
上帝神明對我面前運行之際若風雨雷霆鼓彼群動開張
忠諫之路杜絕諛佞之風廣求賢能博採衆議官一人刑一
人勿以一己之喜怒而惧其或濫或僭使乾綱不亢必思下

濟之道使臣道上行必謀共貞之道一言一行動合天則一
號一令平叶人心為當世堯舜之聖君則此是一國之福萬
民之幸也從古豪傑之主聖賢之君做大業成大功者未有
不自戰兢臨履中做得來則朱子豈欺我哉惟 殿下念之
哉出位論事是臣素戒而斷不憂愛之忱不欲與凶孽之徒
共戴一天固知此言一出於口衆鑄叢集於身而不遑他顧
敢此冒陳耳臣治䟽將上之際適被削職之命蓋臣入叅途
請因登䟽之一時為急暫為退出更為趨闕呈䟽伏計矣職
名之削出於徑故云臣不勝惶悚之忱而嘉臣此䟽乃是國
國家倫綱之重討復之大則臣身雖在於負罪之中犬馬之

誠只知君父之重未暇計其格例矣敢效先正臣趙憲謫中上
章之規沫血飲泣冒萬死拜上伏乞治臣僭越之罪察臣懇
迫之困焉臣無任云々承旨持入々覽後傳曰此非酬應
章奏之時金若行疏始為留院以待公除後下教

二十日 思悼世子尊奉一依宋濮王例事判下○議謚上
思悼世子謚號曰莊獻昭裕章恭以莊獻為之園號曰永祚
永康永祐以永祐為之宮號曰景昌景安景公以景公為之
封園都監亦為合設於國葬都監事下教

二十一日以有 先大王丙戌七月義烈宮舉動時遺教靖
嬪暎嬪封園事定奪而目今國役稠疊待祔 廟舉行事下

教○禮判蔡濟恭以專意

御製編次事許遞以鄭存謙代

之○頌議政金陽澤上劄辭職 荅曰卿以先卿之子事

先大王而建子嗣服首登揆席予之所以待卿者案但尚卿之雅量清望而已實出於共休戚之意也卿其安心勿諱卧閣論道共濟國事以副予小子側席之久望焉○傳曰予意已諭於頌相而今番使事與初料大異請謚之行既兼承襲又無追崇奏請其所周旋異域之責不輕而重且耆社相臣萬里炎天累朔跋涉亦足關心至於留館使事尤不可預料其遲速不可不及時變通方今時原任大臣無一故者如奉朝賀自前有拜相之例况此萬重專對之事其在靡盬之義

決不敢^以無例超超且洪奉朝賀身係戚休勢難遠離奉朝賀
金致仁特拜西樞政官牌拓以告訃請謚承襲追崇奏請使
下批○真宗大王謚號今當使行同為奏請事詢問判下
二十二日傳曰今當使事關係甚重特命卿者子意不淺噫
卿受遇於先大王位至三事在卿報效之道舍此徃役之
事而奚以哉卿之多少情勢便是水流雲空決不可復事云
予不多詰卿其即為謝命仍即入侍聽予面諭事使官
徃諭于金判府事^{金致仁}與之偕來○前判府事金致仁上疏
辭免優批承旨敦諭即為謝命○真宗神位移奉延福
殿後懿昭世孫神位移安于真宗奉安而懿昭奉

安舊處則影禎奉安事下教○宮女料祿及各殿進排物件數及一並厘正大加減刊以補國用○傳曰聞大臣所奏藝文應教以罕有之職不欲遽然行公云當初命差是振文風之意則其為振作不必在於行公與否且聞為東壁至十餘年之久云且有擢用之道芸文應教鄭履煥堂上窠中問于大臣加望以八○擬鄭履煥副學未望傳曰副提學鄭履煥為之○黃海都事李顯模上疏伏以云々臣伏聞因山遵大行大王遺志將以弘陵虛右之兆為定矣緬伏見傳旨下者有別處改奉審之舉臣雖未知地家所以異議者由何而甚恐非王者之所宜惑也況伏聞先大王為今日地預慮而

處之為詳遠則在 殿下奉承之道尤安可舍而他求乎臣
愚死罪願 聖明之再思也噫風水之說聖人之所不道也
聖莫如周公而周公之所不言孝莫如孔孟而孔孟之所不
言使其利害之切果如後世所謂某山之說則聖人之於葬
親也雖微文瑣節靡或有遺又其智足以周天地之理而獨
無一言及此何也臣謂葬親如周公孔孟斯可矣周公孔孟
之所不言不行而自謂葬親者不可不知風水之說則臣不
信也設令其說有萬一之理地中之事誠渺茫誰能真知其
利不利乎其所謂利者未必是利其所謂不利者未必是不
利均之為日後之悔無寧遵先志之為寡悔耳三代之際貴

賤俱葬於城址之原降及兩漢亦無以地家說葬其親者自
六朝以來私意流而偉門開於是子堪輿禍福之術出舉世
靡然靡指不愚式至于今流弊滋甚在王者定風俗一民志
之道顧何可先為不經之說所動以為四方之觀乎臣伏觀
殿下每事必求是當而乃於此猶未免習俗之陋竊恐 殿
下尚有所未及思也伏願 殿下亟收着山之命繼以弘陵
為定繼下明旨嚴禁地家使不得如前惑世誣民一洗千古
之陋云々入啓○傳曰菊蕘畢陳不害為義事而事係莫重
則固當審慎今此李顯模之疏全昧本事章皇為說已極其
嚴長陵洞口既是先定之處則獨非先大王遺教乎廣求術

士博訪名山亦有程朱之議論則豈可謂之聖人之所不道乎今者審慎之命斷自余意故頃日之責退相地官卽罪荆大成之意也事當嚴處而似是坐於不讀書之致何足深誅原疏綸之其令改究朱夫子山陵議狀可也仍傳曰黃海都事汰去

二十三日傳曰景公宮上謚後耳卽有改題主之節而當初題主既是先朝御筆則不敢洗改依近年太室上謚例改題主一節目勿為磨鍊事分付該曹

二十四日大司成前望單子入之金文淳為之金文淳承旨代鄭履煖除授卽為謝命

二十五日大司憲李淮請對入侍進伏曰此非瀆抗之時且
~~聖~~臣請對事面至重非不知有驚動天聽之慮而第事有闕
於安危存亡 殿下宮闈之間藏一敵國朝廷之上置一逆
臣此而不除去則 殿下聖躬將不得安矣 聖躬不安則
宗社亦不安矣臣受恩於 先朝且適當言地畏愾而不言
則是負 先朝也負 殿下也臣何忍為此哉蘇敢請對而
欲以言語陳達則氣短語塞恐不能畢其說袖批答在疏末一劄而進
臣讀讀之矣仍展讀袖劄訖 上命承旨書批答承旨李普
行奏曰都憲所奏是舉國公議且都憲請對進劄則事机之
急可知 殿下安得不卽賜允從乎 上曰非不欲從金言

而公除只隔五六月待此處分未晚矣且先王朝沈通源之
啓初啓則不從予欲法先王矣願議政金陽澤曰都憲與他
臺有異袖進一劄涕泣讀奏況其臚列罪狀即元惡大憝卽
賜允從可也至於下端事尤不可緩也 上曰下端事卽今
當施行矣況其廉隅豈可一刻留在乎至於上端事予非不
聽必欲待公除而處之此後多臺必有繼起者卽今多臺誰
某子冰肯曰皆備矣陽澤曰不必兩司也三司亦當合辭請
討矣其劄曰伏以易曰開國承家小人勿用小人猶然況亂
賊乎肆昔 明宗大王大喪未過公除相臣李浚慶率百官
請討奸臣沈通源 仁祖大王大喪未行因山先正臣宋以

憲臣請討賊臣自點今日之鄭厚謙卽亦通源自點而其地
處之逼也歲之凶又是通源自點之所無蓋自五六年以來
世道之乖亂國勢之岌岌人心之疑懼一則厚謙二則厚謙
其奸肚逆腸天生戾種自在童騃奸竊已穿及至成長禍心
漸萌倚籍城社出沒深叵而所事者密覲上意也憑籍冤
靈脅制朝廷而所高者陰移國柄也羈絡將相自為羽翼主
張銓選排鋪氣勢嘖笑之間榮枯判焉淵膝之際敵活分焉
殆所謂手握王章口含天憲於是而一種患得失之徒靡然
爭附惟恐或後甚至於辛壬三凶之為先王萬世之訾者猶
且欺蔽幹旋復其官秩唯我先大王涵育覆庇之仁何負

於渠而乃忍為此至於讌喜之宅鷄龍之庄無論其工費鉅
萬古之所謂乾當之枕符識之應舉世喧傳神人俱憤跡其
所行無一事之非犯分無一日之非賣國噫嘻痛矣天下寧
有是耶然而此在渠猶屬細故又有窮天極地之惡國人齊
憤誓不共生者惟我先大王祖孫相依之教可以感動臣
隣除非有莽操懿溫之心則孰無延頸願戴之情而厚謙則
敢蓄猜嫌常懷忿懟傲慢之態現於辭色譸張之說恣意誑
惑其疑動之跡危逼之形雖昔之耆輝無以過此只賴我
先大王照之如日月鎮之如山岳譖奸莫售謬未逞得至
于今日而伏想我 殿下追思既往亦必有凜然而心寒矣

惟其集心未化狼毒故在乃於名位既定百僚齋賀之日身
帶春官偃然不起終日牌招悍然違拒頭有抵敵爭抗之意
畢竟指顧之間幻出翔雲之妖逆敢售其疑幻受授之計此
其罪萬戮猶輕而乃者昊天降割萬姓号擗之時卒然托疾
扶杖緩步畧無哀遑之色 殞殿將事之命寔出我 殿下
至仁聖意而乍入旋出顯示厭苦之色其心所在路人皆疑
渠之頂踵毛髮何莫非 先王之賜而尚忍如此則是可謂
有人心而有臣節乎舉其平生無非罪惡而此尤彰著現露
萬目難掩則雖咸聚軍民決示顯戮夫誰曰不可哉顧今防
川將決伏火必挑衆怒如沸群猜難遏渠亦自知其不免則

窮寇困歟何慮之不出何變之不告耶臣念之至此不覺心
顫而骨青嗚呼先大王以宗社臣民之重付之於殿下
其欲愛護而全安之者容有其極而今殿下係戀私義一
向涵貸則豈不有乖於古聖王繼志述事之意而喪礼無憾
自盡大事亦不過為細節末文而心耳伏願殿下惕然遠
覽赫眚明斷以厚謙前後罪惡布告中外明定典刑以絕奸
宥以杜禍亂焉至於和緩翁主真所謂是母是子國人之所
共誓懃者也而長慶禁中絕罕出宮其内外交煽之跡的然
可見到今情地殊前疑忌轉甚其暗售潛逞將不知做出何
等變恠昔周公只是王室之輔相而以其身係宗國之安危

不敢屈法於管蔡况 殿下上奉宗庙下係億兆奈何自輕
而或忽於防患之道耶亦願卽、屏出早賜勘處以清宮禁
以絕覬覦以為 宗社臣民幸焉云々 荅曰省劄具悉以
待公除後處分○都承旨徐誥修左承旨金瑬右承旨李魯行左副李養
鼎右副洪國榮同副鄭履燮啓曰卽伏見李淮本創則鄭厚
謙母子之罪不可一日容貸於覆載之間此非獨都憲之言
卽是國人之所憤有所共欲討者也及奉 批旨以待公徐
後處分爲教固知以盧深墨之中宗出諒陰之意而此何等
事机此何等罪惡而不卽允許乎一日不允則有一日之憂
二日不允則有二日憂之國勢之危凜人心之拂鬱容有極

裁伏乞 聖上快揮軋斬亟賜處分以折妖孽以安宗社千
萬幸甚○副校理李昌漢獨疏諸王堂聯名劄子大司諫李
碩載獨劄並請速賜處分領議政金陽澤右議政李潏請對
傳曰大臣三司並入侍々々時 傳曰當初斬允余意在焉
大臣三司請對討罪恭默之時有難多言鄭厚謙施以遠竄
之典翁主旣已出莽今無可論矣○堂劄中添入曰臣等又
有駭惋者海南定配罪人尹養厚機張定配罪人尹恭淵與
厚謙腸肚相連日夜綢繆凶謀私計無不相関當此嚴懲討
之日不可不鋤治其黨與何可只以本罪編配而心乎為先
移配絕島以加荏棘斷不可已云々 答曰已諭於入侍矣

尹養厚尹泰淵事依施。鄭厚謙慶源府遠竄尹養厚巨濟府
符棘尹泰淵蝟嶺鎮符棘。○右相以跟隨擯入請罷入直騎
堂以趙榮約擬望請罷故官事依允騎堂現告安大潛政官
現告吏曹叅判尹得養。○鄭錫達尚州牧使 特遞

二十六日王堂聯名劄子云々臣等於昨日以鄭厚謙母子
巫正王法事先陳短劄又與兩司諸臣合辭以請而意未蒙
允許云々當此人心危懼國勢凜綴之時懲討之舉不可一
刻少緩何 殿下只施薄竄之典而終靳當行之律乎又况
其母既與其子同惡相濟罪無異同則豈可以出在私筭置
而不論乎巫賜處分以正典刑云々 答曰余意有在不允

右副承旨洪國榮啓曰堂劄規例誠為謹嚴玉堂諸貞齋會
本館同為拜劄乃是古例而今日拜劄時八直儒臣外初無
來會者只書簡通謹悉此已未安而至於八直玉堂則既以
陳劄未及承批又復請對其亦疎平諸儒臣並從重推考
何如上曰依為之○大司憲李滉大司諫李碩載執義金
榮洙司諫洪彥喆掌令金鍾善持平沈基泰正言沈商賢劄
子伏以鄭厚謙云々不叅庭賀直是鏡夢之心腸自為窩主
做出翔雲之妖蓮云々請嚴鞠得情快正王法云々和緩翁
主之罪云々伺察深嚴之地陰濟蓮子之奸云煽動甚間之
語潛懷儲位之危撓云々私芽屏出未足以懲惡公法至嚴

有不可容貸亟收爵號為先遠竄以雪神人之憤云 荅曰
不允○三司合辭所懷請鄭厚謙母子速賜處分 荅曰不
從○同副承旨鄭履煥上疏伏以云々抑臣有區々所懷闕
國家之安危係倫常之晦明而不可以少緩者今當一初之
故宜急々陳請之不暇而諒闇之中不敢猥有論列以勞聖
聽乃獨齋沐構疏以待公餘之過矣昨者憲長之劄出而極
論厚謙之罪噫此誠目下不可已之正論夫孰曰不可哉朕
亦有罪大於此惡極於此 殿下所必報之誓一國所必誅
之違而懲討之典乃不先及於此真所謂重輕倒置緩急失
序者也臣請沫血歔泣而痛言之惟彼鳳漢千罪萬惡無不

且脩南山之竹難以盡書東海之波難以盡洗是則一國之
所共聞所共覩者也臣不必枚舉厯數而若論其罪惡之最
大最極者則卽壬午所犯及前叅判臣金龜柱疏中事是禽
鳴呼壬午之事卽我 殿下之所不忍聞而事關討逆臣安
得不畧陳之乎蓋 先大王處分之日卽聖人處變之達權
者也凡為臣子者所當哀痛泣血恭聽 上之所為而已至
於所謂一物者是前史之所未有萬古之所未覩苟有秉彜
宜不敢萌諸心發諸口而鳳漢乃於上下蒼黃之際欲掩前
日巽慝之態不少顧忌突入前席無難而告之肆然而獻之
不然則 先大王何以知一物之在於在處乎此縉紳之所

知三軍之所覩萬姓之所傳也渠安得諱之也伏想我 殿
下於燕閑獨處之中每一念及於此則罔極之痛必不能自
已誓疾之心必無所不至而今已十五年所何常一日忘諸
中乎然而事勢所拘不得明言含哀忍痛共戴一天凡忠臣
義士之願死於國者念 殿下之情事則莫不痛心而流涕
言彼賊之凶壯則莫不扼腕而切齒為人臣而得罪於 殿
下如此猶復食 殿下之祿衣 殿下之衣入 殿下之庭忍
對 殿下之顏者古今天下寧有是理是不獨臣一人之言
雖詢之百僚詰之八方亦莫不同然而一辭矣至於金龜在
疏中所謂丙戌人參事雖非臣目睹而藥院之往復國舅之

酬酢鑒、有據昭不可誣則此為渠之斷案明矣夫御藥所用何等至重而可誣之道不一而足則臣子之心豈可不思所以盡力而況鳳漢既不在常藥之任則操切提舉威喝醫官必使之不得純用羅參者究用心腸豈非路人之所知乎彼光佐之設藥廳猶為難赦之逆賊則況此沮遏御藥者是

何等極罪而不加之律乎若夫所謂如是、一歎真是無將無嚴向上不道之大者夫君臣之等截若天壤苟或有一毫犯分則乃為滅倫斃綱戕載難容之賊也今我 殿下居儲貳之位任主鬯之重仁孝著聞八域延頸况彼鳳漢問其地處則肺腑之親也其所以愛戴而保護之者宜有別於他

人而咫尺面前肆發凶言又況 殿下所守者義理之正也
鳳漢所言怪鬼之說也渠若有一分人心則必將畏懼沮編
不敢舉頭而顧乃忿懟於其計之不售遂出此絕情之亂言
此其平日素蓄無君之心不測之謀故自不覺其存諸中者
發於外也嘻噫痛矣厯觀古今雖悖如莽操凶如懿溫未嘗
有對面脅持若此之甚者則惟此鳳漢殆亘萬古所未有之
逆而彼憐漢之沮戲代理敢發不必知之說者亦其兄弟之
同一腸肚共濟其惡者也夫既逆於壬午事如彼逆於 先
大王如彼逆於我 殿下如彼則一國臣民孰不欲斬腰斫
頭食肉寢皮而今乃偃處城閭窟據根盤布列死黨作威作

福衆心危懼世道潰裂非常之禍迫在朝夕 殿下深居九

重亦何由而盡燭此達之狀乎嗚呼 先大王以銀大之

責遺我 殿下雖在號擗之中凡所以繼述之道靡不容極

爰初舉措動忤人心頌聲洋溢想望太平臣固已不勝其欽

仰而除凶逆扶倫常最是繼述之急務則此政朱子所謂去

四凶竟之所未去而舜不以為嫌者也或以為鳳漢外戚也

或可以少貸王章是不以大聖人望於 殿下也夫漢文一

中主耳薄昭之罪不至於凶逆而猶能割恩斷義置死而後

已況今鳳漢乃壬午之逆 先王之逆 殿下之逆則其可

拘於區區戚屬之誼而不忍於三人之律乎伏願 聖上深

察乎倫常之不可以不正義理之不可以不明一國興廢之不可以不洩宗社安危之不可以不恤卽命有司正正鳳漢之罪以責初服之故以為國家萬世之計千萬幸甚云々八啓傳曰同副承旨原䟽以待公除後下教○敕納李杵劄子伏以厚謙母子加律云々噫彼厚謙與隣漢翔雲腸肚相連雄唱雌和者也代聽之前有隣漢放肆不滿之言代聽之後有翔雲陰譎叵測之䟽則雖以厚謙骨肉之親心寒而骨青固當一刀割斷之不暇而前判書趙曦締結養厚附麗厚謙昨冬之秉銓也首擬春曹必欲角勝於貳極究取心迹路人所知至於貪財之狀虐民之罪在渠猶屬細故而閔一

之人至今傳說欲食其肉年前宋聚行之疏真是宗題語也
日月稍久臣未能彙列而伊後道臣則必無不知之理 殿
下若欲採宗一番下詢孰敢營護貧夫欺罔 天聽乎前叅
判元義孫曾任湖南也締結通引居官之柳宗厚散出買鹽
價二萬兩於沿海諸邑三四月間鹽一石價三四錢定給於
浦民及其六七月長霖之時一石價以二兩錢收捧且買年
稱以羅里倉所備廣買九千餘石而朝家作定則每石價以
一兩二錢而折半則先為取用每石定以六錢六七月間散
給於列邑及其十月間則仍為作租轉以折米未滿半年取
息三四倍而其心猶以為不厭營還耗米為九千石而原用

之外加用萬石米糴充數則每石二兩價勒散諸邑以為充
數之地剝割殘民專為肥己如許貪饕曾所未聞不可以事
在既往而置之前判書趙曦前叅判元義孫並施屏齋之曲
一以示不同國之意一以使懲貪墨之習焉云々入啓 傳
曰趙曦元義孫事俱係貪污而至於西民欲食其肉者語意
深緊不可不一問具允鈺蔡濟恭皆是其後道臣並令八侍
十目所睹豈可一毫掩護乎皆令思量其委折毋致登筵窘
遁之弊○傳曰趙曦之貪污非但曾有宋聚行之疏俄者下
詢之下兩重臣所奏明白無疑雖使趙曦喙長三尺何敢自
解古之墨公無以加此其在國法則不可以竄配薄勘懲其

罪而其為慰謝西民之道姑先投畀於渭原郡倍道押付使
西民咸知朝廷有懲貪之法○傳曰使入直儒臣製諭書下
諭于關西民○荅李杲劄曰上款事不允趙曦事已處分元
義源事更待下教○傳曰罪人趙曦押去時道路討食切一
嚴禁倍道自前只有倍道之名而無其宗當直都事拓致嚴
飭○傳曰李命彬之前年書啓不但以奉使無狀罪難逃
其為孤負恤民之聖意莫此為甚可謂罪上添罪事係懲
貪不可尋常處之前平安道暗行御史李命彬為先令該府
拿囚以待公除後處分○掌令申昕劄子伏以鄭厚謙母子
加律事云々厚謙之罪今既彰著則在春秋先治黨與之義

其附麗綢繆者亦宜鋤治以絕他日之慮也嗚呼昨年九月
十一日 大行大王所下傳教中工判下二字案出於靜攝
中未及照察之教則伊日入侍承旨所當停筆仰奏直請反
汗而其時都承旨李宅鎮晏狀承書少無疑難之色頒示八
路著作當狀之事眼無儲君只知厚謙其心所在將欲何為
若其平日父事厚謙至登假子之謠者亦屬細故臣謂前都
承旨李宅鎮為先絕島荏棘斯不可已也嗚呼厚謙氣焰鴟
張黨援四布六七年來士夫之間名義都喪縉紳之列勢利
是超此為有識之竊歎亡國之一端而至於安無濟亦其私人
也稟得奸細之性濟以便佞之態蠅營虱附奴顏婢膝閃忽

詩張陰持興已之人假推鬻勢招誘嗜利之輩打成窩窟恣
行肱臆承時推排驟躡公卿及叨湖藩專事貪躋食數萬石軍
餉隨手翻弄恣意軋沒因循未捧永為湖民無窮之弊芹洞
舊居猝為傑構通區並隣薨棺橫亘見者驚心行路竊罵所
歸數月於按南臬手勢漸凋貪虐益甚輦載馬輸貳月不絕
者盡斂於厚謙之家不恤民憂專事媚悅跡同掌庫之私奴
情勝置膝之愛子舉世指目巷謠已騰而人莫敢誰何者非
畏兼濟宗畏厚謙而此猶渠之薄罪也鷄龍之識自古已傳
四百年來人不敢占居則噫彼兼濟亦一今日之臣子而身
為方伯而為鄭氏立功欲符其驗出財動民大營別業萃構

廣庄都是錦營之造成道路來往之人無不疾首痛心而渠
則意氣揚々顯有自多之色究其所為萬々匹側其在國法
不可少貶臣謂安兼濟為先削去仕版其罪狀亟令有司嚴
鞠得情快施當律虛逋之軍餉明覈寃宗一々徵出以脩陰
雨斷不可已也其兄寬濟性充陰包行又凶悖於乙亥逆獄
之後乃以其子為鳳輝之曾孫婿不畏三尺自同無故赴舉
占科罪固難貫而玉署清顯者作當來之物厭狀冒出其辱
玷光於斯極矣此等之類臣不欲污諸筆舌而其連婚凶
逆放恣無忌之罪不可不正臣謂安寬濟館職告身亟
令收還因施屏裔之典斷不可已也云々答曰上款事不允

李宅鎮論列既如此施以竄配之典安無濟亦施削黜之典
安寬濟事係隄坊依施李宅鎮明川府安寬濟泗川縣定配
傳曰完伯問于大臣口傳差出全羅監司趙璠李普行鄭象
仁以李普行為之○傳曰既知可用薦于藩任而余則曰外
輕而內重行司直趙璠陞為工曹叅判湖儒李一和上疏以
羅景彥事不稟東宮而直奏大朝成罪李海重甚巖尾
救尹宣舉父子自政院不捧而却之○傳曰閔西諭書何時
下教而尚不製入知製教如是子以徐有防為應教即為製
進

當初承命赴草者入直儒臣朴在
源及承此教元卿而退

二十七日傳曰么麼厚謙雜當請討有若時急需發迫在呼

吸者然至於勢炎薰天莫敢誰何者則側听多日囁嚅畏約
試者今日之朝廷果無角勝之臣乎三司諸臣只觀利害之
所在不知其君父之為重良可寒心三司行公人某：一並
削去仕版門外黜送○傳曰前都憲李漣雖不盡義挺身出
論不可與隨眾波蕩者同日而語且昨冬一書語雖糲糲猶
賢乎已特為分揀工判今適有案除授牌招察任○傳曰余
於金鍾正初信而後疑者多自判義禁行公之日至于昨日
頗有顧護謂養李泰國航所小人之意判義禁金鍾正罷職○荅同副承旨鄭
履煖疏曰上款事翁何言此予何聞此豈今日君臣所可
忍提者耶嗚呼曾於辛卯二月初七日 先大王泣謂余曰

他日汝之朝廷若以此二字事陳于汝者不但忠于余抑亦非汝之純臣也余之所以處韓鉤沈義之者二字事也非為洪也廚房之物先到於洪勿待命之前則外間之不知者或以追到之物以為鳳漢贄予其言亦無足在而當初事察則然矣握手諄々命予識之予時涕泣受命書之于簡藏在至今此予所謂非今日君臣上下所可忍提者也今爾此言不知委折則謂之忠擯可也而事係重莫言涉曲諱爾何十分詳審而發使予忍說此不忍說之言耶昨見尔章終夜不寐回痛新悲交切于中此何人哉々々言既不審罪當難逭尔以踈遯之蹤只憑道路之傳此正先大王所教無

足恠者予不深責尔其諒之人夢事方令查宗更有所處分
矣至於如是、之說頃年予在春宮時私覲奉朝賀、謂
予曰邸下他日若不追崇垂恩墓則安知無如戊申之徒籍
此而有推戴之舉似當如是矣如是之時何以處之乎云伊
後予侍 大妃殿語及追崇義理果以此言仰達矣大抵原
其心則雖出於慮患論其言則宗歸於妄發聞之者之拜罪
宜也言之者之自明亦宜也嗚呼余以孤露餘生所以為命
者即慈殿與 慈宮也縱使奉朝賀設有同赦之罪奉朝賀
卽 慈宮之親也予卽 慈宮之子也此而斷之以法如是
容易則其餘八議之親更何論哉尔之所引薄昭比於金龜

枉地處則可也。比於奉朝賀地處則未知可也。尔其思之。此

非余辭令之時。強此呼駕者。欲使尔輩洞知其顛末也。方帶

惟允母辭察賊

傳教解批。入侍承批。

諭平安道民人等書王若曰。嗟尔

西土之民。靜聽余多誥。嗚呼。洪惟我

大行大王五紀臨御

一意恤民。歲值歉荒。則必先調賑。罪在剝割。則不小寬貸。挫

溝塋而置之。衽席懲貪。饕餮而嚴其法律。凡取臣僚。孰敢不欽

誦德。意顧畏常憲而噫彼趙曦。負九重委毗之意。忽一道按

察之責。民憂溢目。故當魯野之無青公物。肌已殆甚。薛稷之

封豕。并前憲臣之疏脩論推剝之罪。今日納言之劄。盛陳贓

汚之狀。至於西民欲食之說而極矣。噫。雖在四序衰疚之中。

何侔 先大王恤元々之聖意亟召曾經兩道臣於前席次
芻俯詢則辛卯之饑西民尤甚江邊諸郡赤地千里顛連之
患迫在目下而未聞抄口之政都忘議貸之惠以歲前請得
之穀作春後料理之資坐待米直之翔貴立視民命之近亡
哀我赤子亦獨何辜至於朝家區劃之十萬苞米散給民間
勒徵峻價一苞之直十緡之多而畢竟輸納上司之數只是
常定三緡之式除剩七十萬緡尽收私橐營債四十餘萬緡
一時火胥萬家鼎沸折揚遍滿於圓戶鞭朴狼籍於公庭遺
盡餘害尚今未已伊時筵臣姓有善捧公債之奏而及夫交
承之道臣按簿而查宗則所謂四十萬緡一是虛錄嘻噫痛

矣從古貪墨之吏何限而曷嘗以宣化執法之臣百萬僭私
用容易如贓者哉茲惟先大王嚴遣緋衣嚴覈罪犯而御
史李命彬專事營護一意欺蔽使其貪饕之宗終故漫漶之
穢法從特遣之臣如以他尚何待御史之嚴法峻焉可已乎
噫獎廉罪貪王政之所先揆以常憲贓之罪宣止薄竄而慰
謝是急投之渭原蓋其不于南不于北必于西者將欲使尔
等咸知天有禍淫之理國有懲汚之法歷數贓罪以宣積鬱
快意唾罵使渠羞愧欲死也嗚呼辛卯之距今不過六年飢
饉推剝之餘死者誰拓九原之魂生者可覩千~~里~~之指嗟尔
西土之民毋違曰王章之心此懲墨之典豈獨撓於贓哉故

茲教亦想宜知悉應教徐有防製進○傳曰此諭書方令宣
傳官持傳于闕西伯貪吏趙曦到平壤日觀察使於布政門
外大會民人宣布諭書亦為真諠翻謄曉諭各邑鎮堡使西
士愚夫愚婦知有朝家懲貪之政事為先撥馬分付于奉安
監司徐命膺○副司直金漢耆上疏伏以云々臣昨伏見鄭
履燬疏本則極論鳳漢之罪而至舉臣任壬辰疏中如是々
事為說於是予臣之罪著矣臣請畧陳其顛末向年臣任疏
出之後先大王召賤臣教曰卿洎入白內殿听下教來
傳于予可也臣於蒼黃震剝之中不敢他顧即為入侍于今
王大妃殿而何質其言則教以予未常誤聽矣賤臣奏曰即

今聖上不進水刺不進湯劑其在承順之道宜存含弘之義也遂退出進告于先大王之前矣顧臣此舉雖出於嚴畏分義萬不獲已而若論其事之根本則慈聖之未嘗誤聽非但慈聖知之亦殿下庶幾洞燭而無餘矣然則臣之徒急於一時之彌縫而徃復於君父君母之間者固為罔赦之罪而自此以後倫常之大義未明慈聖之心事未白人心疑惑有難家道而戶諭世道乖裂殆至日侵而月積究其所致臣雖萬戮而何贖也嗚呼鳳漢之罪乃王章之所必討神人之所共憤其苦悲痛疾之心未嘗一日忘于中而及夫臣任陳疏之際不能同群憇討而或誤聽耶四字乃反自臣

口散之臣上負 慈聖下愧臣侄也愛臣者哀其心而恕之
論臣者執其跡而斷之臣居常隱痛如負大何杜門自靖與
世相絕伊來問候之外未敢進身於朝班者職此之故也今
者承宣之疏更提其事則臣何忍一味趑趄不一仰暴於往
續之下哉茲敢首宗陳章恭侯處分云々入啓 荅曰意謂
卿之意見少異於卿侄未料卿章之到於此時也其時事宗
洞諭於鄭履煥之批卿勿過諱○前縣令閔昌烈上疏伏以
云々方伯之職國之重器而尤係喉嚨之要則朝家所以擇
人而倚毗者果如何也而前道臣趙曦以貪濁無恥之人懷
苞苴容悅之態殃民病兵固有餘地傳說喧騰莫不駭惋言

之甚者則病兵者一殃民者三此下条列云々此外無限奸
賊之跡與其竈裨權倖同惡而共濟者付之有司而嚴覈則
可得其宗矚之茅宅宏麗田園布列極於富貴而外持清議
內結權貴陰附陽掎出沒詐譎現潛無常欺人竊命自為伎
倆華要之地平步以登乃是洪鄭園子中人也似乎無復事
於用財求媚而今於雄藩常捧之外橫歛若是所用果何處
而所求果何事耶臣未可知耳朶歛之罪已萃於已而怨故
於上無乃故為變亂舊法動撓人心作此無理之舉乎此人
已登珰章處分嚴正而究厥罪名附達病國之賊不宜竄配
而以臣請並降綸旨令時道臣逐件嚴查一復舊制附達罪

人趙曦抉施邦憲懸首西門以謝民怨以鎮民心焉治疏將
畢鄭履煖之言適散於此時臣不必疊床而牀之罪固人
之所討臣何可顧瞻前却不自陳於仁覆之天子臣知此
章一出憂踵至而懇恤忱只知有國不有其身伸紙抹血
冒死拜進云々入啓 荅曰尔之所陳已諭於先於尔章者
矣○副校理宋煖億上疏伏以云々臣於昨者伏見鄭履煖
懲討鳳漢之疏嗚呼惟此義理撐天地亘宇宙而可使亂臣
賊子知所惧矣非履煖誰敢如此道者臣讀之未半不覺髮
豎牙咬斗血滿腔私竊以為聖上一覽此疏卽當穆然而思
恭狀而怒明降係綸廓揮乳斷使萬姓咸知大聖人所作為

出尋常萬々矣及見傳教之下以公除後下教為教臣雖
愚迷豈不知嚴扃攀號之中不遑他事而惶恐死罪妄以為
聖上此教或未及三思也夫國家少事之時如簿書期會者
宜不暇酬應於亮陰之時而若其春秋將漢法不道人得以
誅之々大逆則決不可一刻容貸於覆載之間其可以持疑
遷就以待公除之過乎噫鳳漢壬午之所犯丙戌之所為乃
如是々之罪乃殿下之誓一國之賊萬古之逆也有一
於此猶不免身伏王章首懸藁隼况今無有其三而此外貪
權樂勢殃民病國之事亦可以千億計則是批檣奔竄操卓
懿溫之惡並萃於一身也如此而一任其竊據城社食息無

恙者求之古今寧有是哉且其窩窟已成根柢已固心腹旁
列瓜牙密布薰天之勢殆與國家相抗威喝所及輒皆集氣
畏約所積莫不重足是以矜漢之沮戲听政一世之人不敢
是非於其間趙贓之血黨同惡三司之論但以貪墨成罪至
於厚譴則固是國人齊憤之廷而比之鳳漢則彼為客而此
為主彼為卒而此為帥彼為脅從而此為臣魁通來厚譴之
內外交煽濁亂朝廷之罪皆鳳漢之所以德惠而指使者也
其重輕本末之相懸明矣朕而日昨憲長劄奏之後略有同
群請討之舉而今者承宣䟽出之日則乃反袖手却顧索然
無一言是豈真以鳳漢之罪為不及於厚譴哉特以泰山之

勢觸之則碎一番得罪入於必死之地故也由此觀之今日
朝廷非急殿下之朝廷乃鳳漢之朝廷也其禦之形違之勢
故所謂危急存止之秋也以 殿下之明聖亦必念及於此
而猶復拘於常規不能亟折以法乎昔朱夫子曰鳴金鼓耀
戈甲以逐帝而猶緩視徐趨以當其虓怒決裂之勢此故
為今日準備語也臣本跡崎勢孤與世寡合固知言脫於口
禍隨于身而憂憤愈所激不知所裁敢以剖肝沫血而言之伏
乞 聖上念家社之至重察人心之危疑勿復持難速行天
討云々八啓 荅曰已洞諭於鄭履煥之批矣

二十八日右副承旨鄭履煥再疏伏以云々臣於昨者妄陳

懲討之章庸附沐浴之義觸犯忌諱切劇事機迸退縮伏唯
鈇鉞是俟不料聖度天大曲賜溫批十行絲綸字、鄭重
既又命臣入侍洞諭心腹天顏溫粹玉音淳勤臣是何人叨
蒙寵眷至此之極也臣感激寸衷有淚盈眶惟其踈遠賤臣
初登筵席威顏咫尺嚴畏事体且竊伏覩叩廬哀疾聖體憊
損不敢猥有煩瀆以妨酬應遂不得不惶悚退出而憂愛亘
中終夜炯々敢將未盡之懷以效畢忠之悃惟 殿下少垂
察焉嗚呼上款一事臣不忍更提以重戚我 殿下之心而
至於如是、一事亦不在費辭多下追崇之論苟非凶壯
逞腸孰敢萌諸心蔽諸口而乃於聖人之前肆出怪鬼之說

者卽不待其言之畢而為渠之斷案明矣况以推戴等事脅
之持之無所不至所謂戊申之徒非渠而誰也 聖教有曰
原其心則出於直患論其言則歸於妄發噫追崇之說自其
口發推戴之說亦自其口發之則國家所患者渠也自它人
直之則可也以渠而直渠太不近理臣竊思迷終莫得以究
解也夫妄發者無心謂也今鳳漢則無君之心蓄於平日惛
懣之言發於情則是可謂之無心乎萬古天下寧有悖逆不
道如彼而歸之於妄發之科者乎臣愚死罪竊以為 聖明
於此不免於一言之差而亂臣賊子將無所忌憚也且 殿
下旣曰聞之者群罪宜也又曰言之者自明亦宜也忠逆之

間元無兩是之論而假使渠百喙千古渠之罪惡旣已彰露
無餘昭不可掩則雖欲自明其可得乎人蔘事旣有查處之
教臣固惶愧之不暇而若其謂以難繼至不欲用則萬口喧
傳輿情咸憤其心所在又何待行查而知哉為人臣有此負
犯得免王章者求諸往牒未之或有彼鳳漢者乃以地處之
渠渠一向容息於覆載之間則是梁冀終不可討王莽終不可
誅三尺之律置之何用今 殿下不惟不加之誅將並與義
理而漫漶之此非忠臣義士之所以期望於堯舜之聖者也
云々八啓 荅曰昨日召甫前席洞諭心腹更何多諭甫章
又到而上款事臣不忍復提云嘉甫之誠意也下款相持者

以草野之蹤一章二章執而不變余之昨批云豈或一毫循
私而然哉謂余漫漶者不已過乎噫君臣之間貴在相孚爾
之不諒余心何如此乎爾其勿辭即為察職。傳曰鄭履燬
批下牌招入直○副校理宋燬億再疏伏以云々臣於昨者
妄陳一疏以附沐浴之義粗拯憂憤之忱及伏見所下鄭履
燬疏批則不覺愾然失面然之以慨惜也噫鳳漢之罪臚列
云々臣伏覩 殿下自听政以來或至今日設施注措動合
天理未嘗有一毫私意滯吝於其間而獨於此事顧恋前却
不復裁之以義理彌縫掩覆有欠於磊落光明之盛臣愚死
罪竊以為聖上穆然深思翻然改畚亟舉王章以洩輿憤仍

治臣妄言之罪云々八啓 荅曰已諭於鄭履煖之批矣方

帶都廳即為膺命○判府事金致仁劄子伏以臣云々丙戌
提舉即臣也時則俟命海島無由一陳事宗而及履煖復申
其說至勤查察之命臣之惶悚至此轉甚事係久遠臣未能
詳記而當移直焦遑之日鰲興府院君臣金漢耆使醫官送
言於臣曰聖候尚存彌留渾純用參方用可責效而進衛湯
劑貢參參半用之云何不純用參耶奉朝賀臣洪鳳漢以願
相適八來在旁而向臣而言曰目今參所餘無多若純用
參而告乏則勢將至於純用貢參尤豈不悶迫乎仍必曰
內局事非國舅所可干預臣以來教誠然願相之言亦不無

是立當更商確停當之意答送醫官而旋因宗戚家得納童
蓼並與羅蓼而仍卽純用於湯劑繼又卜定諸道其時徃復
不過如斯臣焉敢誣也黽柱則謂以面言於臣履燬則曰以
操切提舉是何與臣之所記者差異耶御藥所用何等至重
而臣旣忝叨膏藥之任不能自效徹誠而反為人所操切則
其為罪當如何哉茲敢露章自列仰瀆於陛下伏乞聖
明亟降威罰以為人臣不職者戒焉云云入啓 荅曰丙戌
人蓼事阻撓之人旣曰有罪則一听阻撓而忽於君父之疾
者厥罪尤大方欲查問卿劄來到備悉顛末可謂釋然其安
心勿辭入侍○鄭履燬三疏伏以云云天牌儼臨仍命入直

臣於是他不暇顧跼蹐趨承庶幾為一半分奔走仰荅之地
矣才到闕中得伏見判府事臣金致仁劄本則首舉臣疏而
拖及句語至以罪當如何為言此固臣信手寫去不覺其有
挨逼大僚者而既緣臣言有此自引之舉臣何敢晏然戢次
不為自處字短章自列忙出禁門云々呼望還出給仍為八
直○傳曰當此國事泮渙之日鼎席不備予庸憂問左相之
今欲一解在於行且用之々意而與其一向虛縻曷若姑為
許副左議政金尚喆許副○傳曰雖欲請討黨與殆臣足矣
右相之請討時所奏予則曰決非大臣之体其所失體以跟
隨事請罷騎堂苟簡極矣殊失古家之風噫治道之汚隆專

在宰相之賢否主張治道固難責之於泛々宰相而顧其職則豈不重歟當此一初之故不可以大官而有所曲恕右相李殷兌相○傳曰卜相○傳曰卜相望已諭於大臣且予為奉朝賀地靡不用極今番卜相望洪奉朝賀勿為舉論卜相加卜鄭存謙徐命膺以鄭存謙為右議政○以御筆書鄭徐二人名封下賓廳々々還納御筆而二人加書封八○傳曰醫官李養善鞠問次拿來囚○禮判卜相代以鄭尚淳為之二十九日西伯狀聞永柔縣令鄭文達運致石佛傷害民命擅賣還穀官庫蕩然鄭文達為先罷黜罪狀令傳彼司勘處事校理金致顯上疏伏以臣伏見承旨鄭履煥疏則有以見四

百年 列聖朝培養之士氣而君臣之義叙秩之討其不墜
於地乎嗚呼壬午之事尚忍言哉彼鳳漢之負犯於此固不
止於一事一節而其通天之罪貫地之惡有不可勝記云々
此賊根株已成枝孽自生以至昨冬獫狁之所為則真所謂
連壯分腸一串貫來論其罪犯殆浮於辛壬之毒輝矣顧今
厚譙母子之罪次茅藋露天討方行而其所以陰贊凶謀固
結於心腹之間潛釀禍机首據於羽翼之列遂使妖豎邪孽
千萬跳踉幾覆我宗國者亦豈是别人之主張乎云々臣家
世受恩與天無極赴湯蹈火素所蓄積今適身忝論思之列
若復顧瞻泯嘿不為 殿下而言則是負國也忘先也當何

以自立於世子茲敢不避鈇鉞之誅沫血飲泣而陳之惟
殿下淵然遠覽廓然決斷亟命有司明正鳳漢矜漢等罪狀
以四國是以安宗社不勝大願且伏惟念先治黨與矜經之
大義也願府事金相福側媚以為性奸毒以為技蜚緣推迂
猥躋匪分以其年則白首矣以其位則上台矣復何營求為
哉東西趨附盡是亂逆之徒昼宵思度罔非凶悖之計向者
翔雲事出而其綢繆締結忿恨怨對之狀昭不可掩矣幸我
聖上俯悉情態面加呵斥聞之者猶不覺縮頸而汗背彼乃
乍伏旋出晏然自在若不知嚴教之為可畏如非縱恣成習
專惡顧憚則患失一念拂喪其魄而然也此而不罪將何以

絕亂萌而正國綱乎亦望 殿下並加常憲以勵一世焉云
八啓

三十日傳曰嗚呼尚魯之罪可勝誅哉當丁丑十二月二十
五日恭嘿閣入侍時 大行大王有所下教則尚魯敢以因
測不道之語仰對於前席苟有臣子一分北面之心萬古天
下豈忍哉此等言於 兩宮之間乎 先大王化之於馮道
壬午復設東宮後教子曰尚魯汝之誓也勒令致仕白予心
於天下後世也壬午事雖不敢更提於它日前壬午五年之
時釀壬午五年之後兆者即一尚魯而已予拜稽聞命銘諸
心腑公除後方欲下教致显以亂達之子肆呈誣人之疏有

若無故者然若此不已其將混夷夏同淑慝使東土衣冠之
倫盡故於無君無父之域矣昨夜見政院日記考其日字符
如合鄧到此之時何待公除之後故奉朝賀金尚魯當追施
違律以正君臣之大義使亂臣賊子知所惧而追律既有

先朝禁令予何更創為先追奪官爵○傳曰禁府舉行駁然
堂上一並罷職追奪人諸子有律文與否令禁府知入而稽
緩故有此命○口傳下教曰君父之訾此時其若玩愒不卽
知奏該房承旨李養鼎越俸一等○傳曰戊寅八月初七日
都承旨蔡濟恭牌招入侍○口傳下教曰若壽輝卧死牖下
其亦無律文乎詳細知入○傳曰丁丑十二月二十五日恭

嘿閣入侍時筵詒今於刑判入侍洞諭詳載記注，雖與傳教有異亦非私諱者今日記注許令諸臣見之事分付堂后○刑曹判書蔡濟恭都承旨徐浩修入侍時上曰卿聞丁丑十二月二十五日恭嘿閣入侍筵詒乎濟恭對曰臣於丁丑待罪伊川故未得聞之而戊寅年則臣以知申八侍時尚嘗每於筵奏附耳密達故非但承旨不得聞之史官亦不知之矣上曰予親承大行朝遺教當洞言之其時大行朝有患候引見大臣於恭嘿閣投溺釭下教曰予病如此萬一不諱其於宗社臣民何今日果無衛瓘孫舜孝子尚魯佯若垂涕而對曰殿下何如是過慮乎儲君如此臣亦

先於殿下而有所料量云伊時筵話如此觀此所對則其
心所在萬古達賊矣其後尚魯連據首相以 大朝事告于
小朝以小朝事告于 大朝互相欺蔽譏搆罔極苟非 西
宮止慈止孝之聖德其將置宗社於何地自丁丑以後釀成
壬午其罪狀不可勝記而至於戊寅畿營歷臨時事關係尤
大輒時為如廁歷臨有何所害而終至搆奏 大朝子亂臣
賊子何代無之而豈有若尚魯之凶且獍哉且此時 春郎
未有失德而渠以首相乞藏禍心徇極譖搆是所謂不共戴
天之讐也 大行王在宥時命余之教良有以也因命浩修
書 傳教云々○玉堂聯名劉子請尚魯亟施學籍之典○

傳曰余之銘心腐骨者非但一尚魯又有文聖國本事終當
洞諭而尚魯既已處分其在王章不可拘於公除前々做儀
文氏私莽安置聖國卧死牖下未施當施之律斬屍之律既
有禁令雖不更創而其令王府丞施學藉之典○副修撰尹
東晚上疏伏以云々亂蓬何代無之而豈有若鳳漢隣漢厚
謙之類乎脛列三人罪狀云々此賊之窩窟已成根抵已深
必多附麗之徒猜跡陰極如鬼如域不可盡知而以事卷所
共傳者言之領府事金相福自在卿列目之以洪氏之私人
而年前重卜之後諂附厚謙隨事稟令昨冬代听之初幻出
翔雲之疏疑亂授受則其與隣漢厚謙輩締結和應之跡昭

不可掩臣謂金相福為先施以削黜之典可也前叅判元義
孫曾在南闕非但犯姦之如珪言其暱附厚譙輦輸南貨罪
浮於趙曦臣謂元義孫依趙曦例安置俾無南民後余之嘆
焉副司直鄭猷煖賦性妖邪行已閃忽婢嬖奴膝吮舐厚譙
虛張五千之自備終受恩資潛輸累萬之私賂以希將薦如
此之徒言之亦醜臣謂削其姿級竄其遠近宜矣削戕罪人
沈昂之為人陋惡士夫恥列自厚譙幼少之時輒附大畜無
所不為其冒占灣府貪饕不法固不足論而翔雲懲討何等
大論而自為諫長乃敢肆然停啓則其黨逆之跡十手難掩
亟施屏裔之典宜矣至若將兵之臣雖白晝不敢來往於權

戚之門從古已然而荐棘罪人尹恭淵昏夜出沒於厚譴之家萬目瞿々莫不危之及以厚譴逆節徑露之後恭淵黨逆之罪必無所逃施以當律斷不可已也噫彼金鍾正殿下之眷毗何如而恭淵單移配之日急於顧護反置近地其愛黨肩公之罪不可罷戢不止亟施屏裔之典斷不可已也○傳曰副修撰尹東晚來待入侍尹東晚入侍退出後以待罪臣再疏伏以臣新進昧識性且疎率粹膺館職新命適值討逆方張之日都知不可無言而不知言之當否徒知逆之當討而不知事之輕重竊見近密三司之臣論列甚嚴於洪鳳漢罪狀臣亦平尔陳列顛昧聖教仅親之議妄效古人討罪

之枕及登前席。天語諄懇。譬曉論理。感淚自零。扞舌不及。
迸出禁門。短章自列。乞賜威罰。以為人臣妄言者之戒云云。
入啓。荅曰。勿待罪。傳曰。尹東晚既已更疏。原疏無可論矣。
給之。○副校理李秉模上疏。伏以臣卽伏見傳教下者。讀未
半而心骨俱顫。古今天下更安有尚魯之云。逆哉。嗚呼。云言
如此。逆節如彼。而在庭諸臣。專昧當^時之事。显戮之典。不加於
生時。追施之律。尚稽於死後。今日諸臣之罪。尚何言哉。苟非
殿下特降明命。誕敷延教。使天下後世曉然知亂臣賊子之
逋於極律。則義理幾乎晦塞。倫常幾乎滅絕。思之及此。寧不
痛心。究厥罪逆。決不可追奪而止。則固當更請孥戮。而追施

之禁既有 先大王成命則臣雖不敢以此爭執達家子侄
之肆處輦轂大違法紀伏願 聖上亟賜處法尚魯子侄並
令絕處安置以惧亂賊千萬幸甚仍竊伏念我 殿下新服
丕基建追先志雖在哀慕攀擗之中克盡哀瘳黜陟之政屏
逐逆黨肅清朝延環東土數千里愚夫愚婦孰不翹首跂足
想望至治也哉是故草野之倫無論不陳芻蕘之說翕受敷
施其於嚴懲顯討之典屈法伸恩之際 處分明正辭旨測
胆動符天理普決人情臣於此有以見聖學高明無施而不
得其當也苟念厚誦之尚貸極律殫漢之久追王章大有率
於誅元惡去大憝之義臣於此亦不能無憾於日月之明也

厚譙之達前後之論備矣臣不必更陳而噫彼獐獍漢本無知
識性又陰鷲因緣曲徑久據三事之列引進非類動為千人
之指謂天地可欺而專事塵蔽謂公議可抗而都浸忌憚凡
此數事孰非可誅之罪而至於昨冬沮戲聽故之舉而凶情
達節畢露無餘矣嘻噫痛矣渠家之地處何如先王之倚
毗何如濁亂之不足而又有此窮凶巨慝之奏耶伏想 殿
下亦必洞燭而天討不行國法未伸倘 殿下謂可曲恕而
然耶抑姑有待^而狀歟臣固當稍俟公除仰請 處分而今於
尚魯之達既揮軋斷則於此兩賊獨可以遲延時月以滌四
方之惑哉伏願稭然深思亟加常憲小洩神人之憤噫近日

以來春秋治黨之法固可為之畧舉而洪良漢之作鄭家瓜


謂


牙趙宗鉉之為賊邊腹心有口皆言無辭可辭則附賊亦賊也臣謂良漢宗鉉並施存棘之典斷不可已也嗚呼大喪在殞國事因涯正宜君臣上下凝神定慮講究乎邦礼高確字廟謨以承我先大王遺大投艱之業而徒以醜類之尚存章奏日積於公車上而至尊疲於應接下而朝象趨於波蕩有若效嚙多欠誠宗乖損國体貽羞縉紳之者亦多於其間殿下如威念及於此則不待臣言之畢而有以處之也近者言事之章毋論巨細皆蒙批旨洞下是非俾知趨向獨於金若行之疏尚靳一字之批臣固不知聖意之攸在而

關係甚重恐宜不一向淵默乞降明旨以定國論焉云々八
啓 荅曰尚魯子侄事依施鄭厚謙既諭三司之批洪判府
事々從當商量處之洪良漢趙宗鉉事過矣今日朝衆之波
蕩果如尔言此誠君臣上下共念鎮安之時余當留意金若
行批示當下教矣○前掌令申昕上疏只請尚魯等藉云々
八啓 荅曰雖非尔疏既有執法之臣其涉濫矣○戶曹判
書具允鉉上書伏以請朝之公議大行厚謙之罪惡昭著允
用親知之類俱被司直之論其間自有親疎之不同前後之
各異者而苟臣與厚謙本有世誼相識已久且臣侄庠之年
前秋色專由於見忤兩處而然故不能無畏約之心相見輒


加意待之外面觀之雖謂之親熟可也而臣之稟性本自踈
澗全沒諂媚若其恣行威福一世盛傳者臣亦豈不得聞知而
其裡面論議之秘諱人者不但臣不欲與聞渠亦未嘗回道於臣以
以不知臣者謂臣親厚知臣者謂以某雖有其名而無其宗以誠
宗際語也二年來愈見其放恣無忌理難得免微示自踈之跡亦
且久矣何幸賴天地生成之澤蒙造化曲遂之恩昨冬伏奉下教卽已
顯絕不與之相通此則殿下亦已俯悉之矣雖然愚討方嚴罪
惡畢露之後相親之目尤覺驚心豈可以世人之已知聖明之下燭有
所自怨而不思所以自靖之道乎茲敢披露肝肺冒控衷懇竊附首
宗之義兼効自劾之情云云八啓荅曰昨冬下教已諒卿心今茲卿章

可謂過矣卿其勿辭。前承旨德師上疏八啓大意洞陳。莊獻世子
受病之源而故罪於文女且極言壬午事極其妖邪熒惑情節從露
而又斥鄭履煥不治其本徒提其末云。上令承宣讀奏至上款文女
事則曰是矣此乃明知者也及至。莊獻世子事滄淚滿面嗚咽而
教曰此則不忍聞之事置之徐當下教矣











及猶

一